

徑中徑又徑徵義

香光淨宗學會 印贈



義

同

經

經中

禮經

民國十一年西
鴻臚徐氏藏版

佛祖開示念佛

彌陀經言。聞說阿彌陀佛。執持名號。一心不亂。其人命終。阿彌陀佛。現在其前。即得往生極樂國土。無量壽佛經言。至心念佛一聲。滅八十億劫生死重罪。無量壽經言。一向專念阿彌陀佛。願生彼國。即得往生七寶華中。住不退轉。文殊般若經言。繫心一佛。專持名字。念念相續。即是念中得見過去現在諸佛。楞嚴經言。若眾生心憶佛念佛。現前當來。必定見佛。不假方便。自得心開。大本彌陀經言。念佛之人。有四十里光明燭。

身魔不能犯。寶積經言。他方眾生。聞阿彌陀佛如來名。乃至能發一念淨信。歡喜愛樂。所有善根。回向願生彼國者。隨願往生。得不退轉。直至成佛。隨願往生經言。普廣菩薩白佛言。何故經中讚歎阿彌陀佛刹。七寶諸樹。宮殿樓閣。諸願生者。皆悉隨彼所欲。應念而至。佛告普廣。汝不解我意。娑婆世界。人多貪濁。信向者少。習邪者多。不信正法。不能專一。令諸眾生專心有在。是故讚歎彼佛國土。悉隨彼願。無不獲果。目連所問經言。我說無量壽國。易往易取。而人不能修行往生。反事九。

十六邪道。我說是人。名無眼人。名無耳人。十往生經
言。若有眾生念阿彌陀佛。願往生者。彼佛即遣二十五
菩薩。擁護行者。一切時。一切處。不令惡鬼惡神。得其便
也。智度論言。有諸眾生。謗般若。墮惡道。雖修餘行。不
能得出。後遇知識。教行念佛。方得解脫。永明壽禪師
言。有禪無淨土。十人九差路。陰境若現前。瞥爾隨他去。
無禪有淨土。萬修萬人去。但得見彌陀。何愁不開悟。
古德言。若人以四天下七寶供佛。其福甚多。不如勸人
念一聲佛。其福勝彼。

徑中徑又徑微義

雲棲大師勸修淨土

觀佛三昧經。文殊菩薩偈云。願我命終時。滅除諸障礙。
面見彌陀佛。往生安樂刹。 華嚴行願品。普賢菩薩偈
云。願我臨欲命終時。盡除一切諸障礙。面見彼佛阿彌
陀。即得往生安樂刹。 起信論。馬鳴菩薩云。最勝方便。
專意念佛。即得往生。終無有退。 楞伽經。佛告大慧。大
名德比丘。厥號爲龍樹。得初歡喜地。往生安樂國。以上
略舉四大菩薩。其餘菩薩修淨土者。不可勝紀。 盧山
遠法師。悟摩訶般若深旨。號東方護法菩薩。而六時念

佛三覩聖像。往生淨土。天台智者大師。妙悟法華。一家教觀。萬代宗祖。而生即面西。辯十種疑。疏十六觀。極談淨土。百丈大師。馬師傳道嫡子。天下叢林共宗。而祈禱病僧。化送亡僧。悉歸淨土。清涼國師。紹華嚴祖位。稱文殊後身。而指示彌陀即盧舍那。亦疏觀經。弘揚淨土。永明壽禪師。得無礙辯才。柱石宗門。而作四料簡。偏贊西方。上品上生。敬及冥府。死心新禪師。繼席黃龍。宗風大振。而切意淨業。著勸念佛文。令人發哀起信。真歇了禪師。嗣丹霞澄公。洞下一宗。至師大顯。而

卓庵補陀。專意西方。有淨土集行世。慈受深禪師。大悟倩女因緣。一偈融通五教。而謂修行捷徑。無如淨土。建西方道場。苦心勸眾。圓照本禪師。道續天衣。宗弘雪竇。法雷振地。師表兩朝。而淨業兼修。標名上品。中峰本禪師。得法高峰老人。學者仰如山斗。而云禪者淨土之禪。淨土者禪之淨土。有懷淨土詩百首。勸人念佛。以上略舉十大尊宿。其餘尊宿。及法師。律師。修淨土者。不可勝紀。阿彌陀經。無量壽經。十六觀經。鼓音王經。天親往生論。以上略舉專說淨土經論。其餘

經論。帶說淨土者。不可勝紀。道安往生論。懷感羣
疑論。慈恩通贊。海東彌陀疏。四明妙宗鈔。慈
恩懺願儀。草堂寶王論。孤山刊正記西資鈔。大
智觀音疏。優曇蓮宗寶鑑。石資樂邦文類。天如
淨土或問。大佑淨土指歸。鏡道二師念佛鏡。道
衍善人咏。西齋淨土詩。以上略舉最顯數家。其餘贊
揚淨土者。不可勝紀。願一一考其人。閱其言。思其義。斷
疑決志。幸甚幸甚。

徵義自序

余少業儒。研究孔孟聖賢之道。而於釋氏之書。未之肄及也。庚戌筮仕粵東。亡兒用康。究心內典。購得大藏諸經。闡明心要。余因得而徧讀焉。遂覺此心曠邈。諸相俱空。慨然有出世之意。爰會金剛經宗旨。提要鉤元。名曰金剛經解義。時尚未及淨土也。丙寅歸田後。友人張子簡授余彌陀疏鈔。云是雲棲大師教人修淨土法門也。余受而讀之。仰見我佛如來。救度眾生。超脫生死。惟此念佛一門。最爲簡要。而雲棲大師。指示迷途。詳加引證。

實爲往生津梁。因擷其精華。分其節次。名曰彌陀疏鈔。擷余之修淨業自此始。傅大士云。惟有徑路修行。但念阿彌陀佛。雲棲大師云。念佛爲修行徑路。而持名又徑路中之徑路也。吾浙張蘭渚中丞集諸家勸修淨土之說。著徑中徑又徑一編。立信願行三法。又分別十二門。至詳且要。余不揣冒昧。於其中繁者節之。略者增之。再於各條下申以緒論。徵以故實。復加旁注。以警動眾心。其所以感發信願行之心者。不益切歟。白太傅念佛偈云。日暮而途遠。此生已蹉跎。余今年七十矣。夕陽雖好。

光景無多。惟有謝絕塵緣。皈依佛法。彌陀一卷。佛號千
聲。預辦資糧。以爲生後計。是編也。其爲自修自度之左
券也夫。

同治七年歲在戊辰四月樂淨居士徐槐廷序

徑中徑又徑微義

一一

徵義張序

淨土法門。自東晉廬山遠公開創。迄今一千五百餘年。中。不論僧俗男女。不論貴賤智愚。但信有阿彌陀佛。專心稱念佛名者。無不應願往生。如往生集及淨土聖賢錄等書所載。班班可考。何則。無量壽經四十八願中有云。十方眾生。至心信樂。欲生我國。乃至十念。若不生者。不取正覺。唯除五逆。誹謗正法。又偈頌云。我至成佛道。名聲超十方。究竟有不聞。誓不成等覺。然則我在今日。得聞佛名。深願念佛。是即佛在西方。得聞我名。深願念

我。惟以佛願感我願。故以我願應佛願。感應道交。至捷至靈。是故信願念佛。終身不變者。早已念念併入彌陀願海中。如水歸壑。決定往生。或者疑而問曰。我但晨昏念佛。日間浩浩。俱屬塵勞。且口念佛時。不免雜念起滅。恍惚無定。欲求一心不亂甚難。未識亦能往生否。答曰。切勿多疑。亦無論一心散心。特患信行願三者發心不眞耳。果發真心。此心如長江水。種種雜念如水上波。往生如江流入海。豈有江流入海時。波不消散而反能阻礙長流乎。又一人問曰。若然。儘可作惡。但肯念佛。亦得

往生。則西方將成逋逃藪。奈何。曰。嘻。爾不作惡。尚不肯念佛。而謂作惡者。反肯念佛乎。且人惟不信佛。故敢作諸惡。未有真實信佛。而不知爲善去惡者。如子所疑。是名誹謗正法。佛不能救。蘭渚張中丞。知世俗種種疑障。可憐可憫。所以有徑中徑又徑之作。吾邑樂淨徐居士。宰粵東時。嘗著金剛經解義。刊印廣施。歸田後。斗室清修。與常惺訂忘年交。專談佛法。篤修淨業。以張中丞所著。最足啓發信根。嘗手鈔數過。爲之條增徵義。而以一冊贈惺。珍藏垂三十年。茲遇靜涵陸居士初發心念佛。

願力精進。出眡此冊。欽慕其誠。亦手錄一過。願付棗梨。
以廣流通。夫靜涵之願。即張中丞徐居士之願。亦即阿
彌陀佛之大願光明。所照所感。故凡讀此冊而能發一
念信心。發一念願心。發一念念佛真心。阿彌陀佛。即在
爾一念心中。垂手接引。他日蓮池會上。把臂同行。幸勿
錯過機緣也。時在光緒二十五年己亥元宵淨業學人
海鹽張常惺謹敘於吳門寓齋時年六十有六

徑中徑又徑徵義目錄

卷上

起信法

醒迷門 易行門 析疑門

卷中

立願法

決定門 廣度門

卷下

勵行法

精持門 兼觀門 斷愛門 飭終門
助行門

徑中徑又徑微義

徑中徑又徑徵義卷上

清歸安張師誠輯 海鹽徐槐廷徵義

起信法

醒迷門

一語道破

浮生若夢。一切皆空。人皆知之。亦能言之。而終日

營求靡已。曾不醒悟。大率以死後即化。又或以爲

死即復生。不足爲慮。詎知孽報無爽。得人身極難。

即得人身。而依然又入夢境。輪迴六道。其苦無涯。欲脫離此苦。舍淨土奚歸耶。將起其信。先破其迷。

輯醒迷門。

宋王龍舒淨土文曰。人生時父母妻子屋宅田園。以及器皿衣服等物。無非愛著。倉庫既盈。心猶未足。金帛已多。營猶未止。一旦大限到來。盡皆拋去。雖我有此身。猶是棄物。況身外者乎。靜心思之。恍如一夢。古人云。一日無常到。方知夢裏人。萬般將不去。唯有業隨身。妙哉此言。予添作一偈云。萬般將不去。唯有業隨身。但念阿彌陀。定生極樂國。

昔韓持國壻王實訪東坡。言持國自謂癃老。且將聲

是名

促死何名娛年

喝醒

樂酒色以娛年。東坡曰。惟其殘年。正不當爾。頃有一老人。生死之際。極爲了然。一日置酒會親友。酒闌語眾。奄奄欲去。諸子呼號。願留一言爲教。老人曰。只宜第一五更起。諸子未喻。老人曰。唯五更可勾當自家事。自家事者。是死時將得去者。且吾平日治生。今日就化。可將何者去。諸子頓悟。請君言于持國。勾當自家事。與其勞心聲色。不若爲死時將得去者計也。又曰。此世界中人。皆如水上泡。生滅不常。只見眼前老者。不思不待老而去者多矣。況世間無非是苦。即或稱年少孤墳。吾見多矣。五年濁惡世盡屬苦境。

意亦無多時。平時罪惡。豈得全無。閉眼之後。不免隨業。
緣去。畜。富貴不遇。剝時。

受人宰殺。或生餓鬼。饑火燒身。或入脩羅。瞋恨所迫。
雖有善業。得生天上人間。受盡福報。依舊輪回。漂流汨
沒。無有出期。唯有西方淨土。最爲超脫輪迴之捷徑。色
身難得。趁此康健時。辦此大事。命終徑生極樂世界。回
視死入陰府。見閻王受恐怖者不同矣。

道徹。錢塘人。乾隆間將示寂。謂其眾曰。娑婆之苦。不
可說。不可說。極樂之樂。不可說。不可說。倘蒙記憶。但
盡言義。脫苦境。有難

尋樂境只。有此法。
念阿彌陀佛。不久當相見。錯過此生輪轉長夜。痛哉
痛哉。

死心和尚淨土文曰。彌陀甚易念。淨土甚易生。而世人
不肯信向。但只貪生。不知有死。人生百歲。七十者稀。大
限到來。還他一死。只如功名富貴人家。財寶如山。妻妾
滿室。日夜歡樂。他豈不要長生在世。爭奈前程有限。暗
裏相催。符到便行。不容遲滯。且據諸人眼裏親見。耳裏
親聞。前街後巷。親情眷屬。朋友兄弟。強壯後生。死卻多
少了也。古云。莫待老來方學道。孤墳盡是少年人。我勸
易老
多少埋荒草
可懼

少年人趁此血氣剛盛。色力未衰。正好修行。奉勸衰老人。最好念佛。年紀朽邁。日月無多。髮白面皺。眼暗耳聾。
頭低背曲。腳手顫掉。去天甚遠。入地甚近。不辨死路。又待何時。有兒女人。正好念佛。自從早年娶妻養子。經營家計。受盡千辛萬苦。今日兒女長大。家計已成。好將擔子分付兒孫。落得現成享福。念佛修行。若不回頭。定是癡人。忽然三寸氣斷。不免一旦皆休。若是孝順兒孫。齋得幾眾僧。看得幾部經。哭得幾聲。猶是記憶爺娘。若是不肖之子。父母方死。骨頭未冷。作耗財產。出賣田園。恣

要修行須及早童顏容易老現前夕陽西照光景須臾相近鬼門關老大人針砭不休真是一病看的透亮盡爲子孫遊博貲

意作樂。以此觀之。著甚麼急。兒孫自有兒孫福。莫爲兒孫作遠憂。無男女人。正好念佛。孤單一身。無憂無慮。不須男婚。一 生 無 累 清 淨 安 開 正 可 修 福不愁女嫁。粗衣淡飯。多少清閒。若不修行。後悔何及。富貴人最好念佛。高堂大廈。衣食豐足。百事現成。皆是前世修來。貧窮人正好念佛。衣食不足。貧窮下賤。常受饑寒。只因前世不肯修行。遂遭現報。若不改往修來。一死之後。如秤鉗落井。何時得出。參禪人正好念佛。或根機稍鈍。恐今生未能大悟。且假彌陀願力。接引往生。如受蔭官。不憂落第。爵祿現成。有等愚人說道。心好。

便了。何須念佛。此等邪見。惑亂世人。古德云。冷笑富家翁。草頭露營生忙似箭。囷裏米生蟲。庫中錢爛貫。日裏把秤稱。
夜間點燈算。形骸如傀儡。怎晚得宴時身喪莫教繩索斷。眼光忽落地。若待追悔無及矣追悔有何便。汝若念佛不生淨土。我墮拔舌地獄。他年淨土花開日。記得婆婆念佛時。

明蓮池大師曰。世尊說人命在呼吸間。當愀然不樂。痛相警策道。大眾。我與你但今日送某僧。明日送某僧。不知不覺輪到自身。此時悔恨無及。須疾忙念佛。念佛最爲可悲可苦時刻不要放過方好。我見你們自家也說可惜。對人

也說可惜。及乎堂中估唱。依然談笑自如。你只不信
人命在呼吸間也。

只是不怕死。命終時

蓮池大師骷體圖說一篇曰。傅大士云。漸漸雞皮鶴髮。
驅牛就屠所。

浮步近死地。

看看行步龍鍾。假饒金玉滿堂。難免生老病死。任汝千

誰能免得

勸

歎聞

般快樂。無常終是到來。惟有徑路修行。但念阿彌陀佛。

大士此語。正所謂萬般將不去。惟有業隨身是也。如何

是萬般將不去。人生所有官爵金寶。屋宅田園。飲食衣

萬事成空

服玩好。乃至嬌妻愛子。無常到來。那一件是將得去者。

如何是惟有業隨身。人生所造諸貪瞋癡業。非禮姦淫。

恣意宰殺。爲子逆父。爲臣欺君。剋眾成家。陰毒害物。種
種惡業。無常到來。只是緊緊隨著你者。既然如是。若不
猛省回頭。改惡從善。洗心念佛。豈非徒得人身。虛生浪
死。苦哉苦哉。我觀世人。箇箇皆好念佛。今以三等列之。
一者極閒人。應當無晝無夜。一心念佛。二者半閒半忙
人。應當營事已畢。即便念佛。三者極忙人。應當忙裏偷
閒。十念念佛。又富貴之人。衣祿豐足。正好念佛。貧窮之
人。安貧守分。正好念佛。有子孫人。得人替力。正好念佛。
無子孫人。心無牽掛。正好念佛。無病之人。身力康健。正

無

邊

誰

肯

回

首

神

識

已

離

黑

夜

具

在

苦

海

只

有

一

條

路

人

人

可

行

此

好念佛。有病之人。知死不久。正好念佛。聰明之人。通經達理。正好念佛。愚鈍之人。無雜知見。正好念佛。以要言之。天上人間。四生九有。皆當念佛。奉勸世人。何不趁此四大未作骷髏時。早早念佛。直待萬般將不去。惟有業隨身。懊悔無及了也。

明邵武知府嚴澂。遺親故書曰。澂一病幾殆。不意復生。雖則苟延。焉知來日。回首營生舊計。有同嚼蠟。一具皮囊。終歸敗壞。六塵緣影。何處堅牢。不如換卻凡心。求生淨土。誦彌陀一句。消罪業無邊。聊奉勸文。用宿處
四大幻身
諸緣假合
指迷途
此生歸

表誠意。

宋師子峰如如顏丙勸修淨業文曰。只這色身誰信身

眾人以苦爲樂

娑婆盡是苦境

爲苦本。盡貪世樂。不知樂是苦因。浮生易度。豈是久居。

幻質非堅。總歸磨滅。自未入胞胎之日。奚有這男女之

形。只緣地水火風假合而成。不免生老病死彫殘之苦。

虛浮如水上泡。須臾不久。危脆似草頭露。倏忽便無。長

年者不過六七十。以皆亡。短命者大都三二十而早夭。

況乎獸殘蟲蟄。猝不及防。屋壓車傷。痛何能救。坑坎邱

陵之厄。到處堪虞。刀兵水火之災。何時蔑有。又有今日

人 生 浮 脆 何 者 可 持
急 緣 而 死

生 死 朝 菩

等 蟬 蟬

不知明曰事。上牀別了下牀鞋。幾多一息不來。便覺千

秋永別。歎此身無有是處。奈誰人不被他瞞。筋纏七尺

骨頭。足 懸皮裏一包肉塊。九孔常流不淨。六根恣逞無明。髮

毛爪齒。看聚若堆塵。涕淚唾津。污如行廁。裏面盡蛆蟲聚

會。外頭招蚊虱交攢。沾一災一疾。皆死得人。更大熱大

寒。催人易老。眼被色牽歸餓鬼。耳隨聲去入阿鼻。口頭

喫盡味千般。死後只添油幾滴。此身無可愛惜。諸人當

願出離。如何迷昧底。尚逞風流。懵懂漢。猶生顛倒。或有

骷體上頭簪花簪草。或有臭皮袋畔。帶麝帶香。羅衣罩

妻子骷髏隊裏身

了膿血囊。錦被遮卻尿屎桶。用盡奸心百計。將謂住世萬年。不知頭痛眼花。閻羅王接人來到。那更鬚斑齒損。
無常鬼寄信相尋。箇箇戀色貪財。盡是失人身捷徑。日
日飲酒食肉。無非種地獄深根。眼前圖快活一時。身後
受苦辛萬劫。一旦命根絕處。四大風刀割時。外則腳手
牽抽。內則肝腸痛裂。縱使妻兒相惜。無計留君。假饒骨
肉滿前。有誰替汝。生者空自悲啼痛切。死者不免神識
奔馳。前途不見光明。舉眼全無伴侶。過奈河岸。見之無
不悲傷。入鬼門關。到者盡皆悽慘。世上纔經七日。陰間

怎知暗裏無常

頃刻勾符到

因愛生貪因

造業

無違罪業般般造

罪業般般造

造業般般造

造業般般造

報應不絕

殺生必償

四大分離

經云來而獨自來去而獨自去輪

四大分離

經云來而獨自來去而獨自去輪

四大分離

經云來而獨自來去而獨自去輪

四大分離

經云來而獨自來去而獨自去輪

好苦也黃泉獨自影蕭蕭

見之應當悔恨

押見十王。曹官抱案沒人情。獄卒持叉無笑面。平生作

善者。送歸天道。仙道人道。在日造惡者。押人湯塗。火塗。

刀塗。受苦萬千。鑊湯沸若山頭。劍樹勢如峰聳。灌銅汁而徧身肉

爛。吞鐵丸而滿口煙生。遭剉磕則血肉淋漓。入寒冰則

皮膚凍裂。身碎業風吹再活。命終羅刹喝重生。人間歷

盡幾春秋。獄內方爲一晝夜。魂魄雖歸鬼界。身屍猶臥

棺中。或隔三朝五朝。或當六月七月。腐爛則出蟲出血。

臭穢則薰地薰天。胖脹不堪觀。醜惡真可怕。催促付一

堆野火。斷送埋萬里荒山。昔時耍俏紅顏。翻成灰燼。今

伴蓬萬冷煙寒雨埋荒草

枯骨猶存

誰解浮生

日荒涼白骨。變作泥堆。從前恩愛。到此成空。自昔英雄。
如今何在。淚雨灑時空寂寂。悲風動處冷颼颼。夜闌而
鬼哭神號。歲久而鴟餐雀啄。荒草畔漫留碑石。綠楊中
空掛紙錢。下梢頭難免如斯。到這裏怎生不醒。大家具
眼。及早回頭。翻身跳出迷津。彈指裂開愛網。休向鬼窟
裏作活計。要知蒲團上有真人。我佛悲憐。用垂拯救。欲
令橫超三界。特開淨土一門。四十八願之宏深。入人心。
而徧加攝受。十萬億程之遙遠。仗佛力而不隔須臾。託
質蓮胎。享自然之衣食。棲神淨域。免他道之輪迴。是男

脫離陋室。須修證。一場大夢誰先覺。
願箇都歸安養。度羣迷出火坑。

見性語

是女總堪修。若智若愚皆有分。但請回光返照。便知本

體原無。若未能學道參禪。也且是持齋念佛。果能一心

不亂。亂。逢邦指日生管教七日成功。移六賊爲六神通。離八苦爲八自

在。淨土文法言可證。往生傳靈蹟非虛。對眾爲大眾宣

揚。歸家爲一家解說。使處處齊知覺悟。只教一箇念頭堅教人人盡免沈

淪。上助諸佛轉法輪。下拔眾生離苦海。佛言不信。何言

可信。人道不修。他道難修。莫教一日換了皮。縱有千佛

難救汝。火急進步。時不待人。各且直下承當。莫使此生

空過。

明莊嚴深達佛理。衣食所餘悉以施人。常調滿庭芳。

一闋云。六十餘年。片時春夢。覺來剛熟黃梁。浮華幻

影。有甚好風光。冷眼輕輕覩破。急翻身蹬斷絲韁。兒

孫戲從他搬演。何必看終場。青山茅一把。殘生活計。

別作商量。但隨緣消遣。洗鉢焚香。先送心歸極樂。恣

消遙。寶樹清涼。堪悲也。回頭望處。業海正茫茫。

淨土晨鐘載錢孝直曰。從來三界生死輪回。比於牢獄。

然則但未出生死。皆三界獄中囚也。今見縲絏之中。呼

天乞命。莫不哀其愚。而嗤其求生之不早。吾謂死囚求

不堪
羨蓮花
海

不苦海

堪
自
有兒
孫福

飯依空王

邊

歎百

生太晚。比之我輩。猶爲早計也。死囚秋決。歲不過一日。

一日前後。皆日日爲之打點。我輩在三界獄中。月月可

死。將掛在眉不_{知明日事}日日可死。不論貴賤老少。好人惡人。皆可以死。不早

打點。姑待一刻萬一即此一刻駕帖到來。劊手當面。手

忙腳亂。何以禦之。又袁中郎曰。眾生處五濁世。如囚處

獄。以入獄皆罪人。處人天者。皆是業報分段之身故也。

然罪人入獄。時刻求出相看不覺淚沾衣以知棘牆之外。更有許大安樂

世界故也。今眾生以煩惱爲家宅。以生死爲園囿。不知

大鐵圍山。是我棘牆。三界法場之外。各自有家鄉樂地。

諸佛憫此。爲分別淨穢。指以脫歸路程。又大建宅舍。以安之。分明往來獄門。黃金地上_{集無比}治道塗長。伺獄外修飾旅館。如是之恩。何身可報。經云。如來爲一大事。出現於世。易火宅爲安宅大事者。生死事也。厭生死諸佛既不惜垂手。眾生乃死而不悟。哀哉。昔一僧探俗友。勸以生死事大。急宜念佛。友謝以三頭未了。僧問故友曰。親柩未葬。男婚女嫁未畢。僧別不久。友忽亡。僧往弔。作詩曰。吾友名爲張祖留。勸伊念佛說三頭。可憐閻老無分曉。歲不我與未了三頭便去勾。此言雖淺。大可醒俗。

又曰。自貧賤而視富貴。見其氣燄薰灼。不勝垂涎。然當之者。未必真樂也。如一人喜怒不測。憂在事主。同列人

懷異志。憂在羣情。因貪位而患得患失。緣事權而伐異

黨。同位愈高則責愈重。寵愈隆則忌愈眾。事機一失。至

求爲匹夫不可得。富家翁持籌會計。竭一生心力以遺

子孫。而百年興廢。事難逆料。身後所有。率歸他人。由是

言之。富貴亦有何榮。純是苦耳。蓋富貴勝貧賤者。皆無

緊要事。如食以過饑。衣以禦寒。若衣而華。食而精。此於

身心。有何緊要。其他可知。至大利害處。老也。病也。死也。

富貴勝漁樵

早知泡影須臾事
視浮雲富貴更進一層

宛其死矣

莫道在身官職好

止此隻身獨當一面之孤注。到鐘鳴漏盡光景。卿相以
至氓庶。總無人可代。總同一結煞。思及此。不由人不當
下心灰也。

明天啓初。北京正陽門。有老軍看守。雖居無子。胸中
無一事。日焚香誦金剛經。首相韓爌。每乘大轎。腰玉
衣蟒。呼殿過其地。聞聲輒歎曰。爲我難。爲彼易。而我
無彼福也。老軍七十三而終。六月屍無穢氣。飛蠅不
集。人皆異之。冒起宗曰。人生不受圭祖羅籠。身得自
由。眼前無累。便是人間仙福。更修最上。乘出世正因。
人 都 不 知 永 作 道 遙 自 在

豈火宅中大富貴可得比乎。

易行門

已識迷途。欲求出世。當知入道多門。惟念佛往生淨土爲易行。淨土多方。又惟往生西方極樂世界之淨土。尤爲易行。蓋阿彌陀佛有四十八大願。度盡眾生。與此世界之緣偏重。威力又極大。故攝取無遺。人能信向。至心持名。未有不蒙接引。所謂仗扶持他之法。與專恃自力者。難易迥殊也。輯易行門。

龍舒淨土文曰。淨土傳云。阿彌陀佛與觀世音勢至二

感 西 草 時 刻

菩薩乘大願船泛生死海就此娑婆世界呼引眾生上

大願船送至西方如肯往者無不得生也觀此則是佛

與菩薩憫念眾生沈淪苦海無有得出故自以誓願威

力招誘人生淨土如舟人招誘行人登舟送至彼岸也

人唯恐不信耳若信心肯往雖有罪惡亦無不得生蓋

信者一念也若人在生時心念要去身則隨去心念欲

住身則隨住是身常隨念然猶有念欲去而身被牽繫

者身壞時唯一念而已一念到處則無不到是以一念

在淨土則必生淨土況佛與菩薩又招引人往生乎

淨 土

神 識 不 減

尚 心 爲 形 阻

也

要

謂

陀

作

導

師

唯 心

立願皈依

往生傳。張抗爲翰林學士。課大悲呪十萬遍。願生西

方。一日寢疾。唯念佛號。忽謂家人曰。西方淨土。祇在

堂屋西邊。阿彌陀佛坐蓮華上。翁兒在花地金沙上。

禮拜嬉戲。良久。念佛而化。翁兒抗之孫。已先逝也。蓋

極樂世界。乃吾心之土耳。約里有十萬億。心則原無

遠近。故楞嚴經云。臨命終時。未捨煖觸。一生善惡。當

時頓現。純想即飛。必生天上。若兼福兼慧。及與淨願。

自然心開。見十方佛。一切淨土。隨願往生。

宋丞相鄭清之曰。今之學佛者。不過禪教律。究竟圓頓

單提話

莫如禪。非利根上器。神領意解者。未免蹈頑空之失。研究三乘。莫如教。非得魚忘筌。因指見月者。未免鑽故紙之誚。護善遮惡。莫如律。非身心清淨。表裏如一者。未免自纏縛之苦。總而觀之。論其所入。則禪教律。要其所歸。則戒定慧。不由禪教律。而得戒定慧者。其唯淨土之一門乎。方念佛時。口誦心維。遠諸染故諸惡莫作。豈非戒。繫念淨境幻塵俱滅。豈非定。念實無念。心華湛然。豈非慧。人所屏除萬慮。一意西方。則不施棒喝。而悟圓頓機。不閱大藏經。而得正法眼。不持四威儀中。而得大自在。不垢不淨。

無纏無脫。當是時也。孰爲戒定慧。孰爲禪教律。我心佛
心。^即_心一無差別。^即_佛此修淨土之極致也。八功德水。金蓮花臺。
又何必疑哉。

蓮池大師曰。大藏經所詮者。不過戒定慧而已。念佛
即是戒定慧。何必隨文逐字。閱此藏經。光陰迅速。命
不堅久。願諸人以淨業爲急務。

蓮池大師曰。徑路修行者。路小而捷名徑。小喻念佛爲
力之簡易。捷喻念佛成功之迅速。善導大師偈云。唯有
徑路修行。但念阿彌陀佛是也。故云。餘門學道。名豎出
一句彌陀
七日成功
無暇參究
十人九

錯

路

萬修萬人去

設

喻精確

三界念佛往生。名橫出三界。去如蟲在竹。豎則歷節難通。橫則一時透脫。餘門之比念佛。則念佛爲速矣。念佛復有多門者。如實相念佛四種。乃至萬行回向等。實相之佛。雖云本具。而眾生障重。佛解悟者希。下此數門。觀像則像去還無。因成間斷。觀想則心麤境細。妙觀難成。萬行則所作繁多。重處偏墜。唯此持名一法。簡要直捷。但能繼念。便得往生。古人謂既得見彌陀。何愁不開悟。則不期實相而實相契焉。故念佛爲修行徑路。而持名又念佛中之徑路也。

功

倍

自得本性彌陀

陀

念

波羅蜜

生

識自本性爲自心

佛

作西方觀

六度

念相續便能

不論智愚單持

一句念

先往生後覺悟

半

桐江法師云。成佛有橫豎二出。豎出者聲聞修四諦。
緣覺修十二因緣。菩薩修六度萬行。此涉境位。譬如
及第。須有才學。又如歷任轉官。須有功效。橫出者。念
超 只此門
佛求生淨土。譬如陰敘。功由祖父他力。不問學業有
無。又如覃恩普轉。功繇國王。不論歷任深淺。其難易
有迥殊矣。

蓮宗寶鑑云。娑婆濁境。眾苦集而求道難成。淨土樂邦。
皆阿鞞跋致
諸善聚而位登不退。稱名號者。諸佛護念而往生。發菩提
心。彌陀光照而增進。菩薩羅漢與其同儔。水鳥樹林。

悉皆念佛。耳畔常聞妙法。心中頓絕貪瞋。快樂無窮。壽量何極。一生彼土。更不退轉。豈比人天道中。觸目多諸違順。權乘路上。善根希有周圓。所以三乘之士。歷阿僧劫而修行難成。念佛之門。於彈指頃。而往生安養。初學機淺。非他力難以進修。我佛願深。但有緣悉皆攝受。餘門學道。如蟻子上於高山。淨土往生。似風帆行於順水。彌陀接引。直趣菩提。眾聖提攜。高超三界。上品即登佛果。下生猶勝天宮。普信不疑。同修不退。

雲棲事略。鄰有老嫗。日課佛名數千。問其故。嫗曰。先

夫持佛名。臨終無病。與人一拱而別。故知念佛功德。
不可思議。師自此棲心淨土。書生死事大於案頭以
自策。

西方公據云。諸善人。世間有千條萬條路。如何只勸人
念佛。人之念頭。所繫甚重。萬法虛偽唯是一念直了。悟自心觸。目菩提提。
念佛人之念頭。所繫甚重。牽魂引魄。造命生身。莫不由
此。念善上天堂。念惡下地獄。一念直爲人。一念橫爲畜。
如何是餓鬼。只因念不足。念魔還成魔。念佛便成佛。若
要免六道。除非只念佛。若還不念佛。一失下人身。萬劫
難再得。所以釋迦如來。教人念佛。遠公法師。教人念佛。
淪度脫輪迴要一心正念

念佛不能了生死。佛祖如何肯誤人。念佛不成佛。其過不在佛。口念心不念。雖念如未念。饒你一生。也不當一聲。念字從心。原不從口。而念一生心。聲隨口出。心佛口佛。兩不可廢。千佛萬佛。如何只念阿彌陀佛。以其原有四十八願。誓度盡十方眾生。其中有曰。若十方世界一切眾生。能稱我阿彌陀佛名號。而不生我國者。誓不成佛。其土具載阿彌陀經。是名西方極樂世界。嗚呼。人間富貴百歲成空。天上繁華千年則止。一入西方極樂世界。便有無量之壽。而其往生之法。又只憑一句彌陀世淨土長年間浮壽少天宮代謝持名之法如單方治病簡要直捷。

一念專注。即到彼岸。莫要錯過。

間有這樣極便宜好事。卻不肯幹。又到那裏著鐵鞋而

機緣

問至道。而今而後。急須發下誓願。若某不念佛。不求生

西方極樂世界。則爲鬼而永墮北陰酆都地獄。已而已

用志不分

而三藏十二部。讓與別人悟。八萬四千門。饒與別人行。

修行秘要不在多言

一句南無阿彌陀佛之外。不用一字。各自去掃淨室一

間。供佛像一尊。每日燒清香一爐。換淨水一椀。夜來上

明燈一盞。紙畫木雕。即同真佛。早晚朝參。必誠必敬。一

無間斷

串數珠不離手。一句彌陀不離口。高聲念。低聲念。六字

彌陀經執持名號即是四字念

念。四字念。緊念。緩念。朗念。默念。合手念。跪膝念。面佛念。

朝西念。敲魚念。掐珠念。行道念。禮拜念。獨自念。同眾念。
在家念。在外念。閒也念。忙也念。行也念。住也念。坐也念。
臥也念。連夢中也念。纔是真念。念得心酸淚下。念得火
滅灰寒。念得神號鬼哭。念得天喜地歡。鑊湯在後。蓮池
字妄念退休。魔種盡滅。天人恭敬。只進勿退。入
在前。雖千萬人阻我不念。不可得也。

善導和尚立專雜二修。雜修者。謂散漫修諸善業。回
向莊嚴。專修者。身須專禮阿彌陀佛。不雜餘禮。口須
專稱阿彌陀佛。不稱餘號。不誦餘經呪。意須專想阿
彌陀佛。不修餘觀。專修者。百即百生。千即千生。若雜

身口意三業專注彌陀。心無二用故

修者。百中或得一二人生。千中或得三五人生。

只 有 福 慈 不 生 淨 土

漢月禪師曰。求生淨土。法門最廣。單取緊峭無滲漏爲上。故持經次於持呪。持呪次於作觀。作觀次於持名。持六字不如持四字。蓋於持名減省。易於成功故也。然持名之法。撥珠課誦。又涉泛漾。雖念而寬。不得成就。須是極力。四字佛名。如線貫珠無空陳處一句追一句。一聲頂一聲。若一日乃至七日。念至虛空粉碎。五蘊冰消。謂之一心不亂。此便是淨業已成。往生有日矣。

雲棲法彙問。經文只云執持名號。似只四字。今盡從

六字。畢竟何者爲是。大師自用何法。答。四字自念。通融六

字從眾。

隨順

析疑門

人聞易行之說。往往疑而不修。即修行已久者。亦有中道游移。疑情日起。或墮前功。或趨外道。因疑而誤。流弊無窮。夫往生淨土。原非即能成佛所恃者。常不離佛。永無退轉。必能成佛而後已。爲把穩生涯耳。智者十疑論。天如或問。雲棲四十八問答。不憚往復辯論。至明至切。此門惟採昔賢問難雜但得見鋪陀何愁不開悟

說者於篇。以斷其疑。輯析疑門。

慧覺玉禪師曰。或謂淨土乃聖人之權方。所以接鈍根。化凡器也。苟能一超直入如來地。何藉於他力乎。答曰。

佛世文殊普賢滅後。馬鳴龍樹此土智者智覺。皆發願

往生。應盡是鈍根乎。釋迦於大寶積經勸父王淨飯。並

七萬釋種。皆生淨土。應盡是凡器乎。此等聖賢應皆不

逮今之利根勝器乎。況以此爲權。將何爲實。昔孫莘老亦疑於此。因會楊次公王敏中辯論。遂息此疑焉。

按普賢偈云。願我臨欲命終時。盡除一切諸障礙。面

見彼佛阿彌陀。即得往生安樂刹。文殊偈亦如是。馬鳴尊者著起信論。末後勸人求生淨土。龍樹尊者造毘婆沙論。有稱讚彌陀偈。寶積經云。佛言。父王。今當念西方世界阿彌陀佛。常勤精進。當得佛道。爾時父王與七萬釋種。聞說是法。信解歡喜。悟無生忍。

王龍舒曰。或者疑之云。人世念佛。西方七寶池中。如何便生蓮花一朵。予告云。此不難知。譬如大明鏡。凡有物來。便現其影。鏡何嘗容心哉。以其明而自然耳。阿彌陀佛國中。清淨明潔。自然照見十方世界。猶如明鏡。覩其必現。佛光普照。悉知悉見。

清淨世界 || 蓮花自開

面像。是故此間念佛。西方七寶池。自然生蓮花。一朵無足疑也。或者又疑之云。念往生真言者。阿彌陀佛常住其頂。衛護其人。若無量世界。有無量眾生。念此真言。阿彌陀佛。豈能一一徧住其頂乎。曰。亦自然耳。譬如天上

一月。普現一切水中。豈不自然哉。或者又疑之云。有臨終之時。佛與菩薩來迎。且如十方世界。有無量眾生精進。烏能皆知其期而往迎乎。曰。亦自然耳。譬如天上一

日。普照無量境界。豈不自然哉。況佛之威神。不止如日月乎。則徧住其頂。徧知其期。何足疑哉。

淨土決疑序云。阿彌陀佛光明。如大圓月。徧照十方。
是心是佛心。清即現。水清而靜。則月現全體。月非趨水而遽來。水濁而動。
則月無定光。月非捨水而遽去。在水則有清濁動靜。
在月則無趨捨去來。故優曇云。化體即真。說無去來。
從真流化。現有往還。不來而來。隨心變化似水月之頓呈。不見
而見。猶行雲之忽現。

王龍舒曰。人驟聞淨土之景象。多不信之。無足怪也。蓋
拘於目前所見。遂謂目前所不見者。亦如是而已。不知
妄語爲口四業佛家最戒少見多怪
佛切戒人以妄語。必不自妄語以誑人。世人妄語者。非

妄語。有因

以規利。即以避害。佛無求於世。何規利之有。佛視死生如刀斫虛空。何避害之有。是佛無所用其妄語也。世間中人以上者。猶不肯妄語以喪其行止。況佛乎。其言可信。無足疑者。況自古迄今修此者。實有其事感應甚多。尤不可不信也。

李卓吾曰。當時釋迦牟尼金口稱讚。有阿彌陀佛在西方極樂國土。專一接引念佛眾生。以此觀之。是爲有國土乎。無國土乎。若無國土。則阿彌陀佛爲假名。辨駁甚明蓮華爲假相。接引爲假說。互相欺誑。佛當受彌天大

罪當即時敗露。安能引萬億劫聰明豪傑。並僧俗男女。同生信向乎。何以問我有無形相國土爲也。

王龍舒曰。或云。人誦佛名。一向稱誦。正如呼一人。一向呼之。其人必怒。故一向誦佛名者。未足爲善也。答曰。是

解釋得

不然。眾人自無始以來。口業過惡。積如山海。多誦佛名

以滌蕩之。猶懼不足。豈可以稱呼常人之名爲比也。況

一事而三善

諸佛自開此念誦法門。所以誘拔眾生善其口業。以漸

善其身意。故謂一向誦佛名。未足爲善者。此世俗之言。

非諸佛誘拔眾生之言也。

俱備

不特賣蝦。即凡殺生之業皆是

先生謂予嘗於鎮江聞賣蝦者。叫蝦一聲。而知其三
業俱惡。何則。孟子所以有擇術不可不慎之語身荷蝦擔。則身業惡。意欲賣蝦。則意業

惡。口叫賣蝦。則口業惡。三業俱惡。此佛所謂地獄人

也。若口念佛名。則口業善。口念佛時。又能心想佛像。

則意業善。端正其身。而手提數珠。則身業善。常能善

此三業。以修淨土。必上品生。

蓮池大師云。有謂唯心淨土。無復十萬億刹外。更有極樂淨土。此唯心之說。原出經語。真實非謬。但引而據之者。錯會其旨。夫即心即境。終無心外之境。即境即心。亦此言其理

有心即有境。不得謂有心無

無境外之心。既境全是心。何須定執心而斥境。撥境言
心。未爲達心者矣。或又曰。臨終所見淨土。皆是自心。故
無淨土。不思古今念佛往生者。其臨終聖眾來迎。與天
其事
樂異香幢幡樓閣等。惟彼一人獨見。可云自心。而一時
大眾悉皆見之。有聞天樂隱隱向西而去者。有異香在
室。多日不散者。夫天樂不向他方。而西向以去。彼人已
故。此香猶在。是猶得謂無淨土乎。圓照本禪師。人見其
標名蓮品。豈得他人之心。作圓照之心乎。又試問汝臨。
面看益見可信
終地獄相現者非心乎。曰。心也。其人墮地獄乎。曰。墮也。

夫即墮地獄。則地獄之有明矣。淨土獨無乎。心現地獄者。墮實有之地獄。心現淨土者。不生實有之淨土乎。

宋圓照本禪師。居慧林。平時密修淨業。時雷峰才法師。神遊淨土。見一殿殊麗。問之曰。待淨慈本禪師耳。又資福曇公至慧林。公禮足施金而去。人詰其故。曰。吾定中見金蓮華。人言以俟慧林本公。其他蓮華無數。云以待受度者。或有萎者。云是退墮人也。後臨終。安坐而逝。

天如淨土。或問曰。人都道淨業只是身後事。於今目前。

無所利濟。答曰。汝之所見未廣也。豈不見經中道受持
佛名者。現世當獲十種勝利。一者。常得一切諸天神隱。
形守護。二者。常得一切菩薩。常隨守護。三者。常得諸佛
晝夜護念。阿彌陀佛。常放光明。攝受此人。四者。一切惡
鬼。退避有三皆不能害。一切蛇龍毒藥。悉不能中。五者。水火冤賊。
刀箭牢獄。橫死枉生。悉皆不受。六者。先所作業。悉皆消
滅。所殺冤命。彼蒙解脫。更無執對。七者。身心安泰有三夜夢正直。或夢
見阿彌陀佛勝妙色像。八者。心常歡喜。所作吉利。九者。
常爲一切世間人民。恭敬歡喜禮拜。十者。命終之時。心
臨

終見佛有一

無怖畏。正念現前。得見阿彌陀佛及諸聖眾持金蓮華。
接引往生西方淨土。如上十種利益。經文具載。乃佛口
之所宣也。既是現生來世。皆有利益。然則世出世間要
緊法門。無如念佛者矣。但當精進。勿用懷疑。

龍舒淨土文。敘現世念佛感應一卷。有念佛卻鬼。如
陳企者。有念佛脫難。如邵希文者。有念佛安寢。如劉
仲慧者。有念佛屋不壓死。如瞽婦者。有念佛痘疾遂
愈。如李子清者。有念佛眼明。如阮嫂者。有念佛痼疾
皆愈。如梁氏女者。有念佛治病得愈。如秀州僧者。有

念佛孫兒免難。如鄉老者。有見殺生念佛得福。如鄭鄰者。由此推之。念佛勝利。豈但十種而已哉。

慈照宗主淨土十門告誡云。念佛人臨終三疑。不生淨土。一者。疑我生來作業極重。修行日淺。恐不得生。二者。疑我雖念彌陀。或有心願未了。及貪瞋癡愛未息。恐不得生。三者。疑我雖念彌陀。臨命終時。恐佛不來迎接。有此三疑。因疑成障。失其正念。不得往生。故念佛之人。切要諦信佛經明旨。勿生疑心。經云。念阿彌陀佛一聲。滅八十億劫生死重罪。上至一心不亂。下至十念成功。接

無信心則不生

疑念佛無益

疑念佛不誠

疑念佛無靈

三品

向九蓮。令辭五濁。苟能心心不昧。念念無差。則疑情永
斷。決定往生矣。

無爲楊次公曰。火車可滅。舟石不沈。現殺報者。莫甚
於張馗。十念而超勝處。入地獄者。莫速於雄俊。再甦
而證妙因。世人愆尤。未必若此。謂不能生者。何自棄
哉。

陳瓊。明進士。一意淨業。客曰。爾不聞大鑒之論。唯心乎。
何厭垢而欣淨焉。答曰。唯心淨土。發之大鑒。而非自大
鑒始也。是心作佛。是心是佛。佛固先言之矣。蓋懼人以

不淨之心求淨土也。非曰土無垢淨也。且樂邦之可樂也。不獨華池珠閣。鳥音風樹云爾也。吾幸與羣聖人遊。諸上善人談被無量光經無數佛證無生忍成無上道濟無邊眾誠樂矣。客以客之禪樂垢土。我以我之禪樂淨土。客無庸呵我矣。

瓊。萬歷中累官刑部侍郎。臥疾誦佛益虔。故事京師大臣三品以上暑月賜冰。既置冰於榻前。眾見冰中湧出七級浮屠。欄楯鉤綴。牕格玲瓏。移時冰漸消。塔影漸瘦。頃之氣絕而影沒矣。

徑中徑又徑徵義卷中

清歸安張師誠輯 海鹽徐槐廷徵義

立願法

決定門

信而無願。信即虛浮。即有願矣。或以此生已晚。功效難期。惟求來世爲人。出家修行。此意非不甚善。
殊不思今世所造之業。能必來世爲人乎。能必爲人仍知佛法乎。一蹉百蹉。悔之無及。必須拚此一生。咬定牙根。非往極樂國土不可。非此生即往不

可。如此發願。方可謂之決定。願既堅決。功自精進。
有志竟成。豈虛語哉。輯決定門。

五代永明延壽禪師曰。九品經文。自有升降。上下該攝。
不出二心。一定心。一心不亂如修習定觀。上品往生。二專心。一心歸於決但念
名號。眾善資薰。回向發願。得成末品。仍須一生皈命。盡
報精修。一心坐臥之間。面常西向。當行道禮敬之際。念佛發
願之時。墮苦翹誠。無諸異念。如就刑獄。若在狴牢。怨賊
所追。水火所逼。一心求救。願脫苦輪。速證無生。廣度含
識。紹隆三寶。誓報四恩。如斯至誠。必不虛棄。如或言行

不稱。信力輕微。無念念相續之心。有數數間斷之意。似此懈怠。臨終望生。但爲業障所牽。恐難值其善友。風火逼迫。正念不成。何以故。而今是因。臨終是果。應須因實。果則不虛。聲和則響順。形直則影端也。

秋收

萬顆子

春種

一粒穀

先從信願入

蕩益大師曰。九品謂深信切願念佛。而念佛時心多散亂者。即是下品下生。深信切願念佛。而念佛時散亂漸少者。即是下品中生。深信切願念佛。而念佛時便不散亂者。即是下品上生。念到事一心不亂。不起貪瞋癡者。即是中三品生。念到事一心不亂。任運先

斷見思塵沙。亦能伏斷無明者。即是上三品生。總不外乎定專二心。

元優曇大師曰。真信修行之事。端的是要生極樂世界。
專意一念。持一句阿彌陀佛。只此一念。是_{何佛非心}我本師。只此
一念。即是化佛。_{立破羣迷}只此一念。是破地獄之猛將。只此一念。
是斬羣邪之寶劍。_{速登彼岸}只此一念。是開黑暗之明燈。只此一
念。是渡苦海之大船。只此一念。是開生死之良方。只此
一念。是出三界之徑路。只此一念。是本性彌陀。只此一
念。達唯心淨土。但只要記得這一句阿彌陀佛在念。莫

自

性

西

方

超

凡

入

聖

清

淨

法

身

大

開

覺

路

出

死

入

生

口頭說著心頭注著

教失落。念念常現前。念念不離心。無事也如是。念有事
也如是。不論境界只是一念方得成功。
舉命爲期安樂也。如是念。痛苦也。如是念。生也。如是念。
死也。如是念。如是一念分明不昧。又何必問人覓歸程
乎。

蘇東坡曰。佛以大圓覺。充滿河沙界。我以顛倒想。出
沒生死中。云何以一念。得往生淨土。我造無始業。本
從一念生。既從一念生。還從一念滅。生滅滅盡處。則
我與佛同。如投水海中。如風中鼓橐。雖有大聖智。亦
不能分別。

又曰。凡修淨土之人。灼然自要敵他生死。不是說了便休。當念無常迅速。時不待人。須是把做一件事始得。若也半進半退。似信似疑。到了濟得甚麼邊事。如何出離輪迴。若是信得及。便從今日去。發大勇猛。發大精進。莫問會與不會。見性不見性。但只執持一句南無阿彌陀。佛。如靠著一座須彌山相似。搖撼不動。專其心。一其意。或參念。觀念。憶念。十念。或默念。專念。繫念。禮念。念念在茲。常憶常念。朝也念。暮也念。行也念。坐也念。心念不空過。念佛不離心。日日時時。不要放捨。縵縵密密。如雞抱

人 生 如 呼 吸 立 定 主 意
先 要 信 心 苟 日 新 日 新
不 必 參 寫 談 禪 將 一 句 彌 陀
無 義 味 語 一 念 萬 年
作

卯。常教暖氣相接。即是淨念相繼。更加智照。則知淨土
即是自心。此乃上智人修進工夫。如此把得定。做得主。
靠得穩。縱遇苦樂逆順境界。現前只是念阿彌陀佛。無是理一心
造次顛沛必於是
不易改易
畢命不更
不退轉
不散亂
一念變異心。無一念退惰心。無一念雜想心。直至盡生。
永無別心。決定要生西方極樂世界。果能如是用功。則
歷劫無明生死業障。自然消殞。塵勞習漏。自然淨盡。無
餘親見彌陀。不離本念。功成行滿。願力相資。臨命終時。
定生上品。

淮陽曉山和尚修念佛箴云。示汝諸有情。可以整心。

趣棄卻貪瞋癡。大家秉智慧。冷眼掛眉間。看破紅塵。
事積金玉如山。難買三寸氣。眷屬與恩親。暫如傀儡。
戲久生聚前一聚首。死後誰能替。終有散場時。有甚風流。
致。靜裏細思量。一場無滋味。何不早休心。竟念佛修三
空立定主意。

昧。

又曰。今人皈投佛會。或爲痛苦而發心。或爲報親而舉
念。或爲保扶家室。或爲怖罪持齋。雖有信心。而無行願。
罕有爲自己生死。發願念佛。求生淨土者。與經中本意
不合。修行弟子。當一念回光。修出世法。願捨娑婆。往生
切中時弊
橫截生死輪回

西 方 正 是 鷄 路

淨土。正如久客在他鄉。思欲歸於故里也。求生淨土。在應當發願。
乎願力堅強。華嚴經言。是人臨命終時。一切諸根。悉皆散壞。惟此願王。不相捨離。於一切時。引導其前。一剎那中。即得往生極樂世界。

念佛原以了生死。蓮池大師常書生死事大四字於案頭。以自策。及臨終。謂弟子曰。老實念佛。莫換題目。
萬益大師曰。夫念佛法門。別無奇特。只是深信力行爲要耳。可惜今人。將念佛看做淺近勾當。謂愚夫愚婦。工夫。所以信既不深。行亦不力。終日悠悠。淨功莫剋。只貴有淨土反得往生。
付囑語切
信行以成其願
愚夫愚婦以實信
歧路

信得及。守得穩。直下念去。或晝夜十萬。或五萬。三萬。以
決定不缺爲準。畢此一生。誓無改變。而不得往生者。三
世諸佛。便爲誑語。一得往生。則永無退轉。眞能念佛。放
無住心
下身心世界。即大布施。眞能念佛。不復起貪瞋癡。即大
持戒。眞能念佛。不計是非人我。即大忍辱。眞能念佛。不
純一心
稍間斷夾雜。即大精進。眞能念佛。不妄想馳逐。即大禪
定。眞能念佛。不爲他歧所惑。即大智慧。要到一心不亂
境界。亦無他術。最初下手。須用數珠記得分明。刻定課
程。決定無缺。久久純熟。不念自念。然後記數亦得。不記
絲密不忘純任自然

數亦得。若初心便要不著相。要學圓融自在。總是信不深。行不力。皆生死岸邊事。臨命終時。決用不著。

優曇大師曰。念佛人要知六度萬行。不出一心。人能執持一句阿彌陀佛。得成三昧。一念之中。與理相應。諸法現前。六度萬行。悉皆具足。

蓮池大師曰。或問今見世人念佛者多。生西方成佛者少。何也。此有三故。一者。口雖念佛。是心非心中不善。以此不得往生。奉勸世人。既是念佛。便要依佛所說。要積德修福。持戒修要孝順父母。要忠事君王。要兄弟相愛。要夫妻相敬。要

至誠信實。要柔和忍耐。要公平正直。要陰驚方便。要慈專一切。不殺害生命。不凌辱下人。不欺壓小民。但有不好心起。著力念佛。定要念退這不好心。如是纔是念佛的人。定得成佛。二者。口雖念佛。心中胡思亂想。以此不得往生。奉勸世人。念佛之時。按定心猿意馬。字字分明。心心照管。如親在西方面對。不敢散亂。如此纔是念佛的人。定得成佛。三者。口雖念佛。心中只願求生富貴。或說我等凡夫。西方無有我分。止圖來世不失人身。此則不合佛心。佛指引你生西方。你卻自不願生。以此不得

愚夫

愚婦

不知

有

西方

俗說

前生

修來

不脫

塵緣

專一切。不殺害生命。不凌辱下人。不欺壓小民。但有不好心起。著力念佛。定要念退這不好心。如是纔是念佛的人。定得成佛。二者。口雖念佛。心中胡思亂想。以此不得往生。奉勸世人。念佛之時。按定心猿意馬。字字分明。心心照管。如親在西方面對。不敢散亂。如此纔是念佛的人。定得成佛。三者。口雖念佛。心中只願求生富貴。或說我等凡夫。西方無有我分。止圖來世不失人身。此則不合佛心。佛指引你生西方。你卻自不願生。以此不得

應

兼作

觀

正念

現前

雜念

退休

妄念

夾雜

往生。奉勸世人。凡念佛者。決意求生。休得疑惑。且如天
宮富貴。福盡也要墮落。何況人間富貴。能有幾時。若說

你是凡夫。西方無分。則聖賢都是凡夫做。安知你不生

西方也。便可發廣大心。立堅固志。誓願往生。見佛聞法。

得無上果。廣度眾生。如此纔是念佛的人。定得成佛。

戒禪師住五祖山

蘇東坡爲五祖戒禪師後身。常以阿彌陀佛像自隨。

謂生西方公據。然聞公疾革時。語及西方。則曰。西方

不無。但箇裏著力不得。夫修淨土者。必具三心。所謂

深心。至誠心。回向發願心。乃至臨終十念。未有不著

書不虛浮不游移

至言

不淺

力而得者。至云著力不得。則三心未具。難保往生。

廣度門

矢決定之願者。自利復當利他。未能自度。而先度人。自他俱溺。固屬非宜。自了漢非大乘人祇求自度。而不度人。即落二乘淺見。尤爲不合佛心。力雖未充。心無不具。儒書言自新新民。己立立人。皆是理也。輯廣度門。

龍舒淨土文曰。予爲此淨土說。欲勸一切見者聞者。廣大其心。以佛之心爲心。使人人盡生淨土。若止於自修。發宏誓願自度人是大乘則是聲聞之徒。名爲小乘。如車乘之小者。僅能自濟而自度漢爲阿羊鹿車

羅漢果

白牛車

勸人學佛——法施具於

已能廣勸人者。名爲大乘菩薩。如車乘之大者。人我兼濟。此獲福無量。所以至佛地也。勸人善道。名爲法施。淨

土法門。爲法施之大者。遂超出輪回。非其他法施之比。

故其福報。不可窮盡。大慈菩薩云。能勸二人修。比自己

精進。勸至十餘人。福德已無量。如勸百與千。名爲眞菩

薩。又能過萬數。即是阿彌陀。觀此則知西方之說者。豈可不廣大其心。而使人人共知此道。以積無量福報乎。

文彥博歷仕宋仁英神哲四朝。素皈依佛法。晚向道益力。專念阿彌陀佛。發願云。願我常精進。勤修一切

即 是彌陀

善願我了心宗廣度諸含識集十萬人爲淨土會一

時士大夫多化焉年九十二卒

又曰人苦飢者與之一食苦寒者與之一衣已爲大惠
況彼沈淪六道無有出期我指示以此法門使直脫輪
回受無窮無極之壽樂其惠豈可窮盡乎何則淨土更
無輪回已不退轉直至成佛而後已生於彼者雖未成
佛乃成佛之階梯是勸一人修淨土乃成就一眾生作
佛也眾生作佛皆由我而始則其福報不勝於以恆河
沙等身布施耶

汝州二沙彌。同志念佛。經五年。長者先亡。至淨土見佛。自言有小沙彌與我同修。可得生否。佛言。由彼勸汝。汝方發心。汝今可歸。益修淨業。三年後。當同來此。至期。二人見佛與聖眾。自西而來。大地震動。天花飄舞。一時同化。

優曇大師云。學佛多門。大悲是菩薩正轍。利他要行。勸進乃淨業勝因。經言。若人以四天下七寶。供養佛及菩薩緣覺聲聞。得福甚多。不如勸人念佛一聲。其福勝彼。誠以財施。則濟一世之貧。食施。則濟一日之命。法施。則

令人出世。其功德豈可比倫。財施如燈。止明一室。法施
則如日。徧照大千。吝法而不勸修。累劫沈於黑獄。念佛
而行化導。現生即是彌陀。廣布慈雲。遞相勸勉。推斯悲
願。普結淨緣。拔沈溺之愛河。出輪回之苦海。齊登樂土。
共報佛恩。

宋馮楫發願文云。予之施經一事而具二施。以貲造
經。是謂財施。以經傳法。是謂法施。財施當得天上人
間福德之報。法施當得世智辯聰蓋世之報。當知二
報。皆輪回之因。苦報之本。我今發願。願回此二報。臨
福慧雙修

即回向淨土

命終時。莊嚴往生西方極樂世界。普與眾生悉得成佛。

又曰。佛言自未得度。先欲度人者。菩薩發心。自覺已圓。復覺他者。如來應世。蓮宗祖訓。創立淨土一門。行解相值。自利利人。化物無方。誨人不倦。稱曰導師。維摩經云。自疾不能救。云何救他疾。地獄報應經云。自不清淨。教人清淨。無有是處。智度論云。譬如二人。各有親屬。爲水所溺。一人情急。直人水救。爲無方便。彼此俱沒。一人往取船筏。乘之救濟。悉皆度脫。念佛法門。須自修自行。一

一修持。一一成就。既自利。然後利人。是乘彌陀之大願力船。救濟苦海中之沈溺也。其功德。豈易量哉。

成己。成人。原是。一理。

昔釋迦佛在世時。有一國難化。佛言與目連有緣。使往化之。其國人果皆從化。人問其故。佛言。往昔世目連。嘗爲樵人。於山中驚起一羣蜂子。目連乃發善言曰。我得道後。盡度此蜂子。今此一城人者。乃當時蜂子也。目連發此善言。故爲有緣。由此觀之。非徒於一切人當勸修淨土。一切禽獸蠻飛蟻動之類。見之皆九種度生。

當念阿彌陀佛數聲。發願盡度。如是則善念純熟。上

品上生矣。

徑中徑又徑微義

九〇

徑中徑又徑徵義卷下

清歸安張師誠輯 海鹽徐槐廷徵義

勵行法

精持門

信既篤矣。願既堅矣。無實行以自勵。則信爲徒信。願爲徒願。空言無補。何能倖獲。凡事必有苦行。方可成就。況出世之大乎。今不必萬行全修。只此至易持名之徑路。猶不精心果力。可乎。持名者須以心念。莫但口念。平時妄念紛飛。無由覺察。一經手提數珠。始覺

心 心 照 管
功 須 省

此心之難制。余根鈍障深。向用強制之法。手掐此珠。
心隨此手。勿使一珠空過。庶幾稍有把握。爰採昔賢

警語。銘諸座右。以收放心。而資省惕。輯精持門。

西方確指。覺明妙行菩薩曰。大凡修淨土人。最忌夾雜。

何謂夾雜。即是又諷經。又持呪。又做會。又好說些沒要

緊的禪。又要談些吉凶禍福。見神見鬼的話。卻是夾雜

也。既夾雜。則心不專一。心不專一。則見佛往生難矣。卻

不空費了一生的事麼。如今一概莫做。只緊緊持一句

阿彌陀佛。期生極樂。日久成功。方不錯卻。偈曰。阿彌陀

一生空過最爲可惜

一念專精莫別思量

一句萬法之總持。心與聲相依。念茲復在茲。感應不思議。
蓮開七寶池。又偈曰。少說一句話。多念一句佛。打得
念頭死。許汝法身活。

萬益大師曰。念佛之人。切忌今日張三。明日李四。遇
教下人。又思尋章摘句。遇宗門人。又思參究問答。遇
持律人。又思搭衣用鉢。此則頭頭不了。帳帳不清。普
濟慈航云。凡修淨土。除念佛外。惟誦淨土真言。超度
一切眾生。往生西方則可。餘與淨土無涉。

又曰。大抵修淨業人。行住坐臥。起居飲食。俱宜西向。則

機感易成。室中祇供一佛。一爐。一經。一桌。一椅。不得放多餘物件。庭中亦掃除潔淨。使經行無礙。要使此心一絲不掛。萬慮俱忘。空空洞洞。不知有身。不知有世。並不知我今日所作是修行之事。如是則與道日親。與世日隔。可以趨向淨業。蓋汝生時拋撇得乾淨。念頭上不存些子根節。大限到來。灑灑落落。不作兒女子顧戀身家子孫之態。豈不是大丈夫舉動。

法光禪師具宗門作用。德清師請益。曰。無奇特。只離先去六識。

心地空明成光明世界

爾立定。不見身心世界。唯一大光明圓滿無邊。山河
大地。影現其中。身心洞然若一著相便不能矣比覺覓身心了不可得。示眾偈云。瞥
然一念狂心歇。內外根塵俱洞徹。翻身觸破太虛空。
萬象森羅從起滅。自此湛然度日。一切聲色無礙。知
見頓空。常以修西方法要示世。

又曰。有問念佛不能一心。當作何方便。菩薩曰。汝但息
思切勿貪快想定慮。徐徐念去。要使聲合乎心。心隨乎聲。念久自得
心口相應。歷歷分明諸念澄清。心境寂照。證入念佛三昧。然平日必須多念。
從千至萬。心無間斷。則根器最易純熟。若強之使一終

不一也。

張光緯念佛說曰。經云。執持名號。一心不亂。吾今作
一方便。自視此心如淨寶瓶。佛名如穀。逐字逐句如
穀投瓶。漏續貫珠而下。穀既無盡。瓶亦不滿。不放一粒。拋
向瓶外。顧念此瓶。不滿徑寸。中藏三千大千世界百
億微塵數佛。我亦與之俱會一處。游樂宴息。方是我
安身立命處。

蓮池大師曰。彌陀經言。若人念佛。臨命終時。必生彼國。
又觀經言。念佛之人。生彼國者。蓮分九品。蓋此念佛法

四字緊要

門。不論男女僧俗。不論貴賤賢愚。但一心不亂。隨其功

往生自分等級

以下二

行大小九品往生。故知世間無一人不可念佛。若人富貴受用現成。正好念佛。若人貧窮。家小累少。正好念佛。

謂不暇念者。是無福。

若人有子。宗祀得託。正好念佛。若人無子。孤身自由。正

好念佛。若人子孝。安受供養。正好念佛。若人子逆。免生

恩愛。正好念佛。若人無病。趁身康健。正好念佛。若人有

病。切近無常。正好念佛。若人年老。光景無多。正好念佛。

若人年少。精神清利。正好念佛。若人處閒。心無事擾。正

好念佛。若人處忙。忙裏偷閒。正好念佛。若人出家。逍遙

物外。正好念佛。若人在家。知是火宅。正好念佛。若人聰明。通曉淨土。正好念佛。若人愚魯。別無所能。正好念佛。若人持律。律是佛制。正好念佛。若人看經。經是佛說。正好念佛。若人參禪。禪是佛心。正好念佛。若人悟道。悟須佛證。正好念佛。普勸世人。火速念佛。九品往生。華開見佛。見佛聞法。究竟成佛。不假方便。自得心開。始知自心。本來是佛。

無名僧者。居湖廣黃州。專持阿彌陀佛。隨所見皆稱

阿彌陀佛。宗禎時。張獻忠攻黃州。僧坐城上。夜間高唱阿彌陀佛。軍士縛投城下。俄而復上唱佛。每東城

若有見

此心專一。隨其所。在常

佛力護念

下。西城上。南城下。北城上。始敬禮焉。一日見一雞。高

聲唱佛。雞亦隨聲而唱。端午見遊船中人。大哭曰。眾

隨感皆應

生以苦爲樂。乃如是耶。弟子錢生懇示修行之要。曰。

一心念阿彌陀佛。

又曰。念佛有默持。有高聲持。有金剛持。然高聲覺太費力。默念又易昏沈。只是繚繚密密。聲在於唇齒之間。乃爲金剛持。又不可執定。或覺費力。則不妨默持。或覺昏沈。則不妨高聲。如今念佛者。只是手打魚子。隨口叫喊。所以不得利益。必須句句出口入耳。聲聲喚醒自己。譬

如一人濃睡。一人喚云某人。則彼即醒矣。所以念佛最能攝心。

放

心

可收

空谷大師曰。念佛一門。修行捷徑。緊念慢念。高聲低聲。總無拘礙。但令身心閒淡。默念不忘。靜鬧閒忙。一而無二。忽然觸境遇緣。打著轉身一句。始知寂光淨土。不離此處。阿彌陀佛。不越自心。優曇和尚令人提云念佛者是誰。或云那箇是我本性彌陀。謂是攝心念佛。參究念佛。今不必用此法。只用平常念去。

佛宗旨

不著根塵持守勿失

明心見性成

極妙

又曰。夫學佛者。無論莊嚴形迹。止貴眞實修行。在家居

此專就在家說

四層異於僧眾

士不必定要繙衣道巾。帶髮之人。自可常服念佛。不必

定要敲魚擊磬。好靜之人。自可寂默念佛。不必定要成

羣做會。怕事之人。自可閉門念佛。不必定要入寺聽經。

識字之人。自可依教念佛。千里燒香。不如安坐家堂念

佛。供奉邪師。不如孝順父母念佛。廣交魔友。不如獨身

清淨念佛。寄庫來生。不如見在作福念佛。許願保禳。不

如悔過自新念佛。習學外道文書。不如一字不識念佛。

無知妄談禪理。不如老實持戒念佛。希求妖鬼靈通。不

如正信因果念佛。以要言之。端心滅惡。如是念佛。號曰

依三寶

眾善奉行

皈

明出世因

修十善業

下品

讀誦大乘

五層異於俗家

密修淨土

默念西方

善人攝心除散。如是念佛。號曰賢人。悟心斷惑。如是念佛。號曰聖人。

師曰。我出家後。到處參訪。時徧融師門庭大振。予至京師叩之。膝行再請。師曰。你可守本分。不要去貪名逐利。不要去攀緣。出家本分只要因果分明。一心念佛。予受教出。同行者大笑。以這幾句話。那箇說不出。千里遠來。只道有甚高妙處。原來不值半文。予曰。這箇正見他好處。我們渴仰企慕。遠來到此。他卻不說元說妙。凌駕我們。只老老實實。把自家體認過切。近精實的工真實修行為此而

夫。丁寧開示。故此是他好處。我至今著實遵守。不曾放失。

又曰。予昔在鍊磨場中。時方丈謂眾曰。中元日當作孟蘭齋。予以爲設供也。俄而無供。惟念佛三日而已。

又聞昔有院主爲官司所勾攝。堂中第一座集眾救護。以爲持誦也。亦高聲念佛而已。此二事迥出常情。有大人作略。真可師法。

優曇大師蓮宗寶鑑曰。離相念佛三昧無住法門。
慈照宗主云。離相念佛三昧者。上根智人。悟此深理。常運

一切

諸相悉皆空寂

虛空平等心無我人眾生壽者相。經云。離一切諸相。即名諸佛。由是念念彌陀出世。處處極樂現前。如此者。離學道要訣。但莫於心上著。一物相則無相。無相則無住。無住則入佛境界。此乃無上正真大菩薩道。

金剛經云。應如是生清淨心。應無所住而生其心。清淨體中空空蕩蕩。晃晃朗朗。一無所有。一切無住。心要訣云。冥心本乎無住。無住心體圓融不測。淨名經云。一切法以無住爲本。安住無爲。名之爲住。住無方所。故名無住。無住心者。是爲真心。

空觀念佛三昧無念法門。

空觀念佛三昧者。智者大

師示三止三觀之法。先空。次假。次中。今欲令行者返妄

歸真。先觀一切法是假。乃至四大五蘊六根六塵六識。

盡十方世界山河大地。皆無一物。了知虛妄而得會真。

修此者。先要攝心靜坐。將世間一切虛妄不實境界。盡

情掃蕩。俱不住著。唯觀於空。並空空亦不可得。如是頓

入如來寶明空海。性覺眞空。即如來藏。

瓔珞經云。世人不能成道而脫生死者。良由妄念爲
輪迴種子耳。釋教以無念爲宗。若見一切法。心不染

謂無邪念非無正念

著是爲無念。無念之念乃爲正念。圭峰師云。覺諸相空。心自無念。念之即覺。覺之即無。修行之妙。惟在於此。古德云。大道教人先止念。念頭不住也徒然。

參禪念佛三昧究竟法門。遠祖師禪經序云。禪非智

無以窮其寂。智非禪無以深其照。禪智者。寂照之謂也。

念佛之人。欲參禪見性。但依此法。要於靜室正身端坐。

掃除緣累。截斷情塵。外不著境。內不住定。回光一照。內

外俱寂。然後密密舉念。南無阿彌陀佛三五聲。豁然明悟。親見本性彌陀。內外身心。一時透脫。盡乾坤大地。是

是爲自性佛

聞身諸緣任運歇

心淨則土淨

不染

開身諸緣任運歇

物外寄

塵

常寂常照

箇西方。萬象森羅。無非自己。靜無遺照。動不離寂。得生上品。名實報莊嚴土。

永明禪師四料簡云。有禪無淨土。十人九錯路。陰境
若現前。業障所牽 賦爾隨他去。無禪有淨土。捷徑穩路 萬修萬人去。但得
見彌陀。何愁不開悟。有禪有淨土。錦上添花 猶如帶角虎。現在
爲人師。將來作佛祖。無禪無淨土。鐵牀與銅柱。永無出 萬劫
與千生。兩者並 沒箇人依怙。蓮池師云。參禪主乎見性。單持
乃切往生。念佛人見性。正上品上生事。若云經中專
言執持名號。曾無參究之說。但欲存此廢彼。則不可。

蓋念佛人見性。豈患其不生耶。

攝心念佛三昧調息法門。坐禪三昧經云。菩薩坐禪。
不念一切。惟念一佛。即得三昧。初機修習。未免昏散二
病。人天寶鑑云。凡修禪定。即入靜室。正身端坐。數出入
息。從一至十。從十至百。至千萬。此身兀然。此心寂然。與
空虛等。不煩禁止。自得明悟。今此攝心念佛。欲得速成
三昧。數息最要。凡欲坐時。先想己身在圓光中。默觀鼻
端。想出入息。每一息默念南無阿彌陀佛一聲。方便調
息。不緩不急。心息相依。勿令間斷。乃至深入禪定。息念
界
亦收心法
清淨心中化爲光明照十方
內外圓

兩忘。即此身心。與虛空等。久久純熟。心眼開通。三昧忽爾現前。即是唯心淨土。

唐飛錫大師云。世上以水晶。菩提。木棟爲數珠多矣。

吾則以出入息爲念珠焉。稱佛名號。隨之於息行住

坐臥。常用此珠。縱令昏寐。含佛而寢。覺即續之。必於夢中得見彼佛。夢之不已。三昧成焉。面覩玉毫。親蒙授記。則萬無一失也。

一相念佛三昧專念法門。大般若經云。佛告曼殊室利言。菩薩能正修行一相莊嚴三昧。疾證菩提。修此行

使心不外馳絕妙

者。應離喧雜。不思眾相。念專心繫念於一如來。佛審取名字。
善想容儀。兼作觀想即爲普觀三世一切諸佛。即得諸佛一切智
慧。天台十疑論云。眾生根鈍濁亂者多。若不專心繫念
一佛。則心散漫。三昧難成。故專令念阿彌陀佛。即是一
相三昧。

彌陀疏鈔曰。或謂佛佛可念。何不隨念一佛。而必念
阿彌陀佛。不知彼佛與諸眾生偏有因緣故。有四十八願良由彼
佛名號。人所樂稱。就令惡人。有時不覺失聲念佛。人
逢喜事。不覺念佛。人逢惡事。及與苦難。不覺念佛。莫

或使之而自然者。則專念彌陀。即得三昧。

憨山大師曰。佛爲救度娑婆世界諸苦眾生。專說西方極樂淨土法門。但專念阿彌陀佛。發願往生彼國。有彌

佛祖開示法門

陀經一卷。所說都是彼佛國土境界實事。其修行之方。

但以念佛爲主。每日早起禮佛。即誦彌陀經一卷。或金

剛經一卷。即持數珠。誦阿彌陀名號。或二五千聲。或一

萬聲。完即對佛回向。發願往生彼國。此是早功課。晚亦

如是。以爲定課。每日除二時功課之外。於二六時中。單將一聲阿彌陀佛。橫在胸中。念念不忘。心心不昧。把一

切世事。都不思想。但只將一句佛。作自己命根。咬定牙關。決不放捨。乃至飲食起居。行住坐臥。此一聲佛。時時現前。若遇順逆喜怒煩惱境界。心不安時。就將者一聲佛。提起一櫓。即見煩惱當下消滅。以念念煩惱。是生死苦根。今以念佛消煩惱。便可了得生死。更無別法。若念佛念到煩惱。上作得主。即於睡夢中作得主。若於睡夢中作得主。則於痛苦中作得主。若於痛苦中作得主。則

心愈猛。即蒙接引。

原結東處。如子憶父念念固結。

心切精勤。念佛至臨命終時。乘此願力。引導其前念。發轉心頭急急提念。回瞋

於臨命終時。分分明了了。便知去處矣。此事不難。只要一念爲生死心切。單單靠定一聲佛。再不別向尋思。久久

純熟。自然得大安樂。自在。得大歡喜受用。

即得往生

白樂天念佛偈云。余年七十二。不復事吟哦。看經費
眼力。作福畏奔波。何以度心眼。一聲阿彌陀行也阿
彌陀。坐也阿彌陀。縱饒忙似箭。不廢阿彌陀。日暮而
危已經無及
途遠。吾生已蹉跎。旦夕清淨心。但念阿彌陀。達人應
笑我。多卻阿彌陀。達又作麼生。不達又如何。普勸法
界眾。同念阿彌陀。

張光緯念佛說曰。石南和尚偈云。念佛切莫貪多念。且
如此自然用心
念一百心不亂。九十九聲心念差。持轉念珠多不算。如

是一百百至千。從千至萬如珠貫。箭射不入刀不侵。百萬魔軍皆退竄。吾向來念佛。亦只囫圇念過。今始知須字字從心裏出。心不外放要訣還字字入心裏去。當念佛時。先要閉目端坐。六句念法凝神定慮。不可有雜亂心。三心易犯躁競心。昏惰心。開口出聲。心口相應務令聲從心發。心藉口傳。息調聲和。不徐不疾。字字分明。句句相續。分之則一字可作一句讀。貫之則百千句直如一句。縵縵密密。自一聲至千萬聲。自一刻至十
二句工夫夫二時。無斷無續。不缺不漏。久之純熟。花開見佛。

呂祖偈云。念佛虔誠便是丹。念珠百八轉循環。念成

念之成

念之心

上句是

舍利超生死。念結菩提了聖凡。念意不隨流水去。念
心常伴白雲閒。空寂。念開妙竅通靈慧。念偈今留與汝參。
明徑山覺浪道盛禪師念佛直指圖說。



靈光獨耀
迴脫根塵
體露真常
即如如佛



五蘊皆空
六根非有
一心不亂
佛土現成



是心作佛
是心是佛
離心無佛
念心念佛

師云。佛法之要莫過參禪。念佛持呪修觀持戒修福也。
而念佛三昧最爲尊特。蓋人祇有一心。既此心全提心。
佛則一切妄念雜念皆攝歸於不亂之正念。無始來業
識種子。悉融化爲獨露之真心。正以全提心佛。萬法皈
以果地覺爲因地心
掃除萬緣自成一片
當體空淨得常寂光

依。不假方便。自得頓超。此法門自遠公開宗。結社廬山。如十八高賢輩。各有感應。及臨終見佛。聖境現前。而得往生者無算。是皆一生取辦。不待來世再修。故吾特創立此圖。以明馬祖即心是佛之宗旨也。

圓信師云。一心不亂者。只以一句佛名。極力追頂。猛之又猛。情識一斷。則過去事。一念不生全體現。未來事。六根纏動被雲。不著。現在境。心識不撓。一念當念一旬爲主裁斷前後際亦煩雜。三心斷絕。謂之前後際斷。目前如大圓鏡中所現森羅萬象。了無一物可指。蕩然身心。如雲去來。此箇光景。名爲一心不亂。到此便無

虛中念佛之捷徑

無所有

用當念

常寂光

心同太

心可亂也。現今目前便是極樂世界。山光水聲無非
佛法。所以臨終時便無痛苦。

石雨方禪師云。念佛有多種。有漸。有頓。有頓中漸。有漸
中頓。所謂漸者。此爲下等人說。心多散亂。如今人油口念佛。雖不知觀相。不識西
方。他後直至善惡業報盡時。此是上等人一心不亂。這一句油口彌陀。也用得
著。若是頓念的人。直下持名。或一日。或七日。念得一心
不亂。不獨死後往生。即現在彌陀全身顯現。更有要識
念佛是誰的人。隨念隨叩。叩到無可叩處。忽然撞著。此
便是頓中漸。若漸中頓者。不管你西方東土。也不管你

淨念散念只要一句念得著便是好手所謂若人散亂
心^生入於塔廟中一稱南無佛皆已成佛道。

蓮池大師曰。予見新學生把一句佛頓在心頭。閒思
妄想。越覺沸騰。便謂念佛不能攝心。不知萬念紛飛
之際。正是做工夫時節。旋收旋散。旋散旋收。久後工
夫純熟。自然妄念不起。且汝之能覺妄念重者。虧這
一句佛耳。如不念佛時。瀾翻潮湧。剎那不停。自己豈
能覺乎。按此則散亂心念佛。必得久歸純一也可。

古德謂眾生心雜。觀想難成。是以惟勸專持名號。

夫觀法亦分事理二門。理觀之細。如所謂一心三

觀。元妙精微。誠非初心。凡夫所能猝就。其事觀工

夫。於十六觀中。隨取一觀。時時觀想。專注勿移。心

境空澄。持誦更爲得力。平時觀想。既熟。臨期境乃

現前。此爲騎馬拄杖把穩要法。不可不兼修也。輯

兼觀門。

先攝心 次攝目

龍舒淨土文曰。齋戒潔己。清心靜慮。面西安坐。閉目默然。觀想阿彌陀佛真金色身。在西方七寶池中大蓮華

上坐。其身長丈六。兩眉中間向上有白毫一條。八棱中空。右旋轉五遭。光明照耀金色面與金色身。次停心注想於白毫。更不得妄有分毫他念。當令閉眼開眼。悉皆見之。也蓋欲念念不忘也。如此久久。念心純熟。自然感應。見佛全身。此法最爲上。是心作佛謂身想佛時。此身即是佛。又過於口念也。身後必上品上生。唐啓芳圓果二人作觀想法。只五月。自覺身到淨土。見佛聞法。

唐啓芳圓果二法師於藍田縣悟眞寺。一夏結期。念阿彌陀佛。晝夜觀念不捨。閱五月。於觀想中。覺身臨

觀法

純熟

寶池見觀音勢至坐二大蓮華。有千萬蓮華彌滿其間。阿彌陀佛從西來。坐一最大蓮華。光明映照。芳果作禮問曰。閻浮提眾生。依經念佛。得生此否。佛言。勿疑。定生我國也。又聞釋迦世尊。與文殊菩薩讚法華經。其前有三道寶階。其一白衣。其二僧俗相半。其三唯僧也。云皆是念佛人來生此矣。芳果出定。與其徒言如此。

宋遵式往生坐禪觀法云。欲修往生觀者。當於一處繩牀西向坐已。自想所修。觀已相有六層合生極樂世界。便起心生於彼。

想。於蓮華中結跏趺坐。作華合想。作華開想。當華開時。
有五百色光來照身想。作眼目開想。見佛菩薩及國土
想。即於佛前坐聽妙法。及聞一切音聲。皆說所樂聞法。
作此想時。大須堅固。觀佛相有四層令心不散。心想明了。如眼所見。經
久乃起。又直想阿彌陀佛丈六金軀。坐於華上。專繫眉
間白毫一相。其毫長一丈五尺。周圍五寸。外有八楞。其
毫中空。右旋宛轉。在眉中間。琉璃地上種金仙念念瑩淨明徹。顯映金顏。作此
想時。停心注想。堅固勿移。如鏡中面象。如水中月影。心
想寂靜。則能成就念佛三昧。

不忘常若有見有參前倚衡光景

幽溪大師曰。凡於行住坐臥時。則一心稱名。凡於趺坐蒲團時。則心心作觀。行倦則趺坐以觀佛。坐久則經行以稱名。苟於四威儀中。修之無間。往生西方必矣。

憨山大師云。一心持名。固是正行。又必資以觀想。更見

穩密。其法就念佛時。心中時時默下觀想。想目前生一

大蓮華。華不拘青黃赤白。狀如車輪之大。觀想華狀分明。

仍想自身坐在華中鬚臺之上。端然不動。想佛光明來照其身。作此想時。不拘行住坐臥。亦不計歲月日時。只

要觀境分明。開眼合眼。了了不昧。乃至夢中亦見阿彌陀。

觀想純熟

夢中得見皆因

西方極樂世界。居不退地。永不復來受生死之苦。

明僧性專。十二時唯誦法華。行深禪定。嘗於空中見

西方寶池。成琉璃色。深廣無際。以白妙峰師。妙峰曰。

此觀行初成之相。不生取著。是善境界。專遂深祕不

言。

明唐宣之曰。竊見邇年禪律講之期。所在宣揚。唯淨土。

離想念佛專在想修觀門尤爲念佛要訣故能易成

觀門廢閣不講。夫世間口裏誦佛之人不少。而生淨土

參禪要

神遊佛境方能有濟

不多者。不修觀門故。蓋往生者。心能往。口不能往也。使

修觀之人。著衣喫飯。常在觀中。或神遊蓮海。華中禮佛。

或坐矚金容。光輝四映。或面覩彌陀。身滿虛空。或靜見

伴侶。同臨德水。淨想既成。往生何待。

宜之名時。專修佛觀。過南京長干寺。禮塔念佛次。見塔頂放白光。佛爲現相。如黃金色。一日坐禪堂。推窗忽見大海中湧一山。佛坐其上。光明四徹。牆壁林木。盡空不見。其精誠所感如此。

張次民曰。念佛之法。須兼作觀。暝目向西。端坐默想。神

與形離。驀直西去。漸見樹林及諸水鳥。金繩界道。欄楯

交羅。取次遄行。二層寶池勝蓮香臺樓閣。種種在目。儼然如

來現身丈六。觀音侍左。勢至侍右。放眉間光。垂手接引。

我及海眾。同攝光中。隨引而上。禮足悲懇。於時忽見金

掌摩頂。甘露灑身。此心廓然。獲大安隱。徐徐神返。若出

定然。於彼界中日遊一遍。往生路熟。時至不迷。願以此

告諸念佛人。須知心念。莫但口念。入此門時。去佛不遠。

顧原。號寶幢居士。精修禪觀。憨山清公一日至棲霞

寺。望見一道者。閒閒如孤鶴。即之其目不瞬。脫若遺

若不神遊佛土。如數他人生珍寶。於己何有。

心與冥合

感應

世已而入殿門。禮舍利塔。瞻拜良久。塔頂忽現五色光。諸如寶錯。清公異之。以語雲谷。雲谷曰。此寶幢也。作西方觀耳。頃之。示微疾。語曰。我坐蓮華中半月餘。見彌陀法身。徧虛空世界皆金色。佛視我微笑而挈我。又以袈裟覆我。我決定往生西方矣。

阿彌陀經疏鈔云。修淨土者。若禮佛時。當想己身在蓮華中作禮。佛在蓮華中受我禮敬。若念佛時。當想己身在蓮華中結跏趺坐。佛在蓮華中接引於我。然後一心持名。昔有二僧作蓮華開合想。遂得往生。況復加之一土。接神已到淨土矣。

心持名而不往生乎。專主於觀想者少時持名。專主於持名者。少時觀想亦隨分之意也。

楚石琦禪師。專志淨業。室中置一小牀。日趺坐默觀大蓮華出現。其華莖葉。充滿法界。有一如來。相好端嚴。坐其上。眉間白毫放出光明。其光所照。樓臺池沼。行樹欄楯。眾寶間錯。水鳥天樂。皆演苦空無我之法。見觀音勢至。在其左右。清淨海眾。皆得不退轉。從定而起。空空不可得矣。有懷淨土詩百韻行世。

斷愛門

執持觀想之功。未嘗無勤勤懇懇者。而於世緣未能割斷。愛情牽曳。即妄念紛飛。有所好樂。固爲愛。忿憶憂患恐懼。亦由愛而生。心不能正。職是之由。縱平時覩破。而臨事難免動心。以致淨功無成。良可歎惜。必有堅忍之力。斫斷愛繩。時時體察。由強制而至於自然。其庶幾乎。輯斷愛門。

覺明妙行菩薩曰。有問學人云何得離塵欲。得無障礙。菩薩曰。我將由小而推之大。由外而推之內。汝等當善解其義。有人於此。無故而奪汝一文。動瞋恨否。曰。一文

雖微見奪則瞋。又無故而予汝一文。生喜悅否。曰。一文
雖微見予則喜。有答以一文甚微。予何足喜。奪無可瞋
者。菩薩曰。汝能如是。心之清淨久矣。何至今日尚沉濁
垢耶。汝等當知學人見有見無。處處是著。念念皆貪欲
斷貪著。先從一錢之予奪作棄捨想。作非我有觀。奪不
起瞋。予大起悅。如是乃至百千萬錢。乃至億億萬錢。乃
至身肉骨髓。乃至妻子財產。乃至過現未來心意意識。
乃至生死業報菩提涅槃。一切皆如此一錢之予奪。自
然習漏消亡。障緣永滅。漸復清淨。成就道品。汝等依此

修行。勿更自虞窒礙。又曰。汝等慮身纏世網。念頭不得乾淨耶。我有一法。汝但發箇遠離求度之願。將牢牢歸向極樂世界。見阿彌陀佛之心。換卻勞勞奔走名利之心。便能脫塵勞而即覺路矣。

宋僧法一。宗杲。從東都避亂渡江。各攜一笠。杲笠中
有黃金釵。每自檢視。一伺知之。杲起如廁。一亟探釵
擲江中。杲還亡釵。不敢言而色變。一叱之曰。與汝共
學了生死大事。乃眷眷此物耶。我適已爲汝投之江
流矣。杲展坐具。作禮而行。

幽溪大師淨土法語曰。楊次民謂愛不重。不生婆婆念。
不一。不生極樂。婆婆有一愛之不輕。則臨終爲此愛所牽。慧劍一揮心無所所。多愛乎。極樂有一念之不一。則臨終爲此念所轉。

佛珠雙照心無所。所。紛

矧多念乎。所謂愛者。自父母妻子。昆弟朋友。功名富貴。

文章詩賦。道術技藝。衣服飲食。屋宇田園。林泉花卉。珍

寶玩物。有一物之不忘。愛也。有一念之不遺。愛也。有一

愛存於懷。則念不一。有一念不歸於一。則不得生。問輕

愛有道乎。曰。輕愛莫要於一念。問一念有道乎。曰。一念

莫要於輕愛。欲輕其愛者。莫若杜其境。眾境皆空。萬緣

不見可欲使心不亂

都寂。萬緣都寂。一念自成。一念既成。則愛緣俱盡矣。曰。

杜境有道乎。曰。杜境者知萬法本自不有。有之者情故。太上忘情

情在物在。情空物空。萬法空而本性現。本性現而情念

息。是以欲杜其境。莫若體物虛。體物虛。則情自絕。情絕

則愛不生。而唯心現。念一成。圓覺經云。知幻即離。不作

方便。離幻即覺。亦無漸次。功效之速。有如桴鼓矣。

明周廷璋。生於正德喜靖間。爲人醻朴。治家不計。有

輒散之貧者。人與之語。輒笑。或譴之。詈辱之。亦笑而

已。晨起必誦金剛。彌陀觀音經。各一卷。曰。吾不離日

修福

無相

忍辱

持戒

用。不涉貪愛而已。年八十七將終。謂家人曰。觀音謂我絕葷五日可西行。遂日食一蔬一粥。誦經而逝。

憨山大師曰。念佛求生淨土。原是要了生死大事。如何得了生死。如何是生死根株。古人云。業不重。不生娑婆。
愛不斷。不生淨土。是知愛乃生死根株。既不知生死根株。則念佛一邊念。生死根只聽長。如此念佛。念到臨命終時。只見生死愛根現前。那時方知佛全不得力。悔之遲矣。故勸今念佛人。先要知愛是生死根株。而今念佛。念念要斷這愛根。如眼中見的兒女子孫。家緣財產。無愛根障礙
最堪憐無端愛欲牽
一刀斬截
只恐臨時被此牽纏

一不是愛的。全身在火坑中一般。這一聲佛。果能斷得
這愛否。若斷不得這愛。如何了得生死。故勸念佛人第
一要在生死根株上。念念斬斷。則念念是了生死之時
也。

蔣太史超記前世爲峨嵋僧。數夢到故居庵前濯足。
爲人篤嗜內典。一意台宗。雖早登禁林。嘗有出世之
想。假歸江南。遂之峨嵋。示疾恒化。自書偈云。翛然猿
鶴自來親。老衲無端墮業塵。妄向鑊湯求避熱。那從
大海去翻身。功名傀儡場中物。妻子骷髏隊裏人。只

有君親無報答。生生常自祝能仁。

周克復淨土晨鐘曰。佛以貪瞋癡爲三毒。貪毒在心。而見之於身。則爲盜。而五欲色爲最。圓覺經云。一切眾生。皆因婬慾而正性命。楞嚴經云。婬心不除。塵不可出。又云。汝以婬心。求佛妙果。縱得妙悟。皆是婬根。輪轉三途。必不能出。此經首借婬室立言。蓋直從眾生根本無明。首拈立案。然後向道有機。實是如來頂門針法。

蔣十八者。海鹽人。中年與其妻合志修行。第
一
要
著斷除愛慾。一日各炷香唱佛名。並書一頌而逝。蔣頌曰。這箇幻

世緣永謝

身四大合成。今日分散。各歸其根。諸幻既滅。灰飛煙絕。如空中風。如碧天月。清空光景既無障礙。又能皎潔。一切永斷。無有言說。四十年來。脫離嗜慾。惟闡大乘。朝誦暮讀。今朝撤手西歸。自有現成果足。其妻頌曰。看過蓮經萬八千。平生香火有因緣。西方自是吾歸路。風月同乘般若船。

又曰。四十二章經云。佛言。慎勿視女人。亦莫共言語。若與語者。正心思念。我爲沙門。處於濁世。當如蓮華。不爲泥所汙。想其老者如母。長者如姊。少者如妹。稚者如子。

生度脫心。息滅惡念。按此經語。實釋氏最典則之訓。不
止沙門宜然也。

祖通禪師。幼入社學讀書。因見雲水道人。皓首長眉。
色若孺子。與先生論養生之術。言及字學。曰。古之造
字者。皆識道也。且如寇字從完從女者。言人本來完
固。體上不知謹守。而反引賊腰間使劍。新凡夫。入寇。自劫家寶者。莫甚
乎女也。故會意缺守加女而爲寇。師一聞此語。膽戰
心寒。凡避色如避蛇虺。遂逃至鵲山剃度。自此心安
志定。惟以生死是念。皈依淨土。

飭終門

平日積功累行。去愛絕非。本爲末後臨終作預辦之計。若至末後臨終之時。忽又畏死徬徨。中情惑亂。豈不大負初心。其時必須竭力把持。拋棄一切。正念分明。方有趨向。是功行固在平時。而喫緊尤在末後也。輯飭終門。

善導和尚曰。凡一切人。命終須是不得怕死。常念此生多苦。若得捨此。脫離苦海超生淨土。受無量快樂。乃是稱意之事。登佛界何等快活如脫敝衣。得換珍服。其於敝衣。誰肯戀著。但遇病時。便

念無常。一心待死。叮囑家人。及看病往來問候之人。凡
來我前。不得說眼最易搖動神志前閑雜之話。亦不得輕言安慰。祝願
康健。此皆虛花無益。若病重將終。親屬亦不得垂淚哭
泣。事方盡親屬私情歎嗟懊惱。惑亂心神。但當同聲念佛。助其往生。待氣
盡了多時。然後哀哭未晚。若識死是歸去。能不哀泣。尤
爲達理。況往生淨土。捨苦得樂。慎勿哭泣。使死者心亂
也。予又多見世人平常念佛禮懺。發願求生西方。乃至
病來怕死。都不說著往生之事。直待氣消命盡。識投冥
界。方始十念鳴鐘。恰如賊去關門。濟何事也。死門事大。

須是自家著力始得。若一念差錯。歷劫受苦。誰人相代。
思之思之。

所謂佛須自念也

早自警醒

明戈以安。事雲棲爲師。事親孝。好行陰德。晚歲奉佛
甚虔。預剋歸期。家人來視。甚悲。以安曰。生必有滅。奚

臨終有此正念

便吉祥而逝

達人之言

悲爲吾方凝神淨域。面覲彌陀。若等勿以情愛亂我

正念。遂唱佛而化。又朱元正。日誦法華。將逝。預戒家

人。臨行勿令婦女來。過二三時乃來。來亦勿哭。後家

屬至皆哭。元正復張目搖頭。令婦女去。去盡乃瞑。

此舉以下等言

龍舒淨土文曰。或問下品下生者。臨終時。地獄形相已

現能至心十念南無阿彌陀佛。則變地獄形相爲蓮華。亦生淨土。何也。答曰。此佛慈悲至深。威力至大。故能如此。譬如鐵石。雖重。賴舟船力。可以渡江。比喻明晚慈航普濟一針雖輕。不賴舟船。江不可渡。蓋人有重罪。仗佛力者。可生淨土。罪惡雖輕。不仗佛力。亦不得生。又如平生爲惡。一日招安。遂爲良民。仗佛力而消罪惡者。亦復如是。又如蟣蟲。萬死者。萬生。不能一里。若附人身。千里可至。仗佛力而生淨土者。亦復如是。或云。人平生爲惡。殺害眾生。苦虐人民。臨死念佛。亦得往生。其所殺所苦之眾生。懷冤枉之心。何

佛力超度

時得解乎。曰。生淨土得道之後。皆度脫一切冤親。豈不勝冤冤相報。彼此無出期者乎。

唐張善和屠牛爲業。臨終見牛數十頭索命。善和告妻延僧念佛。僧曰。經言。若有眾生作不善業。應墮惡道。至心十念阿彌陀佛者。即得往生阿彌陀佛極樂國土。善和云。地獄至急。取香爐來。即以左手擎火。右手拈香。向西厲聲稱佛。未滿十聲。遽云。佛來迎也。已與我寶座。言訖而終。

天如或問曰。一生造惡。臨終念佛。帶業往生。然則我且

做世事。臨終念佛可乎。答曰。苦哉苦哉。逆惡凡夫。臨終念佛。是夙有善根。故遇善知識而得念佛。此等僥倖。萬中無一。羣疑論云。有十種人。臨終不得念佛。一善友未必相逢。緣在老病之外無勸念佛人。二業苦纏身。不遑念佛。三偏風失語。四狂亂失心。五遭水火。六遇虎狼。七惡友破壞信心。八昏迷致死。九陣亡。十墜高巖。忽然遭著一種。便做手腳不得也。即無此惡緣。好病而死。未免風刀解體。四大分離。痛苦逼迫。怕怖惶惶。念佛不得也。即無病而死。世緣未了。擾亂胸懷。又兼妻啼子哭。百種煎憂。念佛不得。

苦非病而死苦病

也。即未死以前。忍疼忍苦。叫喚呻吟。更或醫藥祈禱。雜念紛飛。念佛不得也。即未病以前。只是年紀老大。衰相現前。因頓龍鍾。愁歎憂惱。念佛不得也。即未老以前。稍或俗務相關。狂心未歇。胡思亂想。業識茫茫。念佛不得也。即或清閒自在。有志修行。稍於世相照不破。放不下。境界現前。隨他顛倒。念佛不得也。你看老病之時。少壯清閒之日。稍有一事掛心。早是念佛不得。況臨終時哉。得念佛可知無事念佛即是福
除惡緣外有六種不堪
且世事如夢。那一件替得生死。天堂未開。地獄先成。生死未明。皆成苦本。眼光落地受苦之時。方知平日所爲。

盡是枷鎖鑊湯地獄。失卻人身。萬劫難復。鐵漢聞之。也應淚落。曾許他臨終念佛乎。人生在世。能有幾時。石火電光。眨眼便過。趁此未老未病之前。抖擻身心。撥棄世事。得一日光景。念一日佛名。急急辦盤纏。身寄婆娑心。歸極樂。由他臨命終時。好死惡死。我之盤纏預辦也。我之前程穩穩當當也。若不如此。後悔難追。

王龍舒曰。譬如人入大城中。必先覓安下處。卻去幹事。抵暮昏黑。則有投宿之地。先覓安下處者。修淨土之謂也。抵暮昏黑者。大限到來時也。有投宿之地者。

預備

生前

死後快活

凡事豫則立人何

蓮華中生。不落惡趣之謂也。又云。晝必有夜。必爲夜。

備暑必有寒。必爲寒備。存必有亡。必爲亡備。何爲夜

備。燈燭牀褥。明人當猛省何謂寒備。衾裘薪炭。何謂亡備。福慧淨

土。

優曇大師曰。凡修淨土之人。每念世間一切無常。成必
有壞。生必有死。若不親聞佛法。則捨身受身。輪轉三界。
四生六道。無解脫期。我今有緣。得聞正法。得修淨業。唯
佛是念。捨此報身。當生淨土。入彼蓮胎。受諸快樂。永脫
生死。不受輪回。此乃大丈夫平生之能事也。纔有疾病。
法人生第一樂事莫如出世間

正要向前。坦蕩身心。莫生疑慮。直須西向正坐。專想阿

彌陀佛。與觀世音大勢至菩薩及無數化佛。現在其前。

一心稱念南無阿彌陀佛。聲聲不絕。於諸世間一切事

務。不得思念。不得貪戀。若或心念起來。但要急稱佛號。

於念念中除滅罪障。只此一念。決定往生淨土。

明袁宗道。子登。年十二。病痞將終。語宏道曰。死矣。叔

父。何以救我。宏道曰。汝當念佛。即得往生佛國。此五

濁世。不足戀也。遂合掌稱阿彌陀佛。諸眷屬同聲助之。頃之。微笑云。見一蓮華色微紅。俄而曰。花漸大。色

西 方 作 主 人

心 中 放 開

一 切

飯 依 慈 尊 疾 病 上 葬

念 雜 念 自 消

稱 佛 爲 正

憑 仗

鮮明無比。俄而曰。^{感應道交}佛至矣。相好光明。充滿一室。頃之。
氣促。宏道曰。汝但稱佛字可也。^{一字易念一心注定}登稱佛數聲。合掌而逝。

蓮池大師曰。生死有命。則人於病中。當生大解脫。任其
死生。^懸莫起恐怖。又過去如幻。現在如幻。未來如幻。盡情
放下。單持正念而已。又與王大焯曰。貴恙宜將身外事。
併此身四肢百骸。^{病時良方}盡情放下。使空無一物。若必不可歇
者。權且歇下。待後處之。妄想熾不能制。當念佛數聲壓
伏之。世間榮華富貴。不過片時。厄難苦惱。亦不過片時。

且萬般皆屬前緣。非人力所能爲。盡情放下。一心念佛。
至囑。

真歇師偈云。訪舊論懷實可傷。經年獨臥涅槃堂。門
無過客牕無紙。爐有寒灰席有霜。病後始知身是苦。
人事紛擾——單提佛號度朝昏
健時都爲別人忙。老僧自有安閒法。八苦交煎總不妨。
此偈傷身世之浮脆。了夢幻之起滅。指情妄之所
緣。示斯道之眞寂。五十六言。網羅殆盡。眞人之龜鑑
真心不滅
也。

淨土晨鐘曰。淨土資糧。具於平日。不知欲辦大事。喫緊

尤在臨時一著。從前悠忽到此延捱不得。從前迷著。到此糊塗不得。從前浮華。到此假借不得。從前歧路。到此徘徊不得。只方寸靈明用事。醒則立現蓮臺。迷則六道三塗有分。穢淨頃刻異路。危哉危哉。究竟把握要訣。不外一心正念四字。宋儒謂平日工夫。正於此處用得著。即是此意。雖然。不豫辦於平日。而欲襲取於俄頃。泥惡人十念往生之語。不妨放寬眼下。恐經文所說。亦是如來萬不得已垂手之苦言。非便以西方作此輩護身符也。且人情莫不好勝而惡劣。獨於此事。甘以下下自許。

亦殊可憫。

昔正陽帝君鍾離祖師見人臨命終時神昏氣斷不知所往於一片黑暗中隨風飄忽望光即投因而沈淪六道苦無了期爰著歸空真訣發明六道之光皆不可投教人於將歸去時回光內照存神泥丸堅持一念願歸五嶽名山自得從心所欲不受三塗惡趣之苦又嘗徵諸往事每於垂危之際有因恩怨未酬縈諸懷抱者一時眼光落地神隨識往竟得如念更生報復不爽甚或念瞋毒而爲蛇蝎念正直而爲神

此時光景甚苦無修行者決無好處去仙道

六道生處皆有光此時關繫極緊

幻形方謝神識即馳生前恩怨死後酬報

明載之感應事跡。不可悉數。蓋善氣屬陽。陽主升。念
善者上升天堂。惡氣屬陰。陰主降。念惡者下降地獄。
要皆從心所造而已。夫人未嘗學道。素乏鎮定之心。
當懸崖撒手。諸難割捨。保無百魔俱集。萬念紛飛。黑
風巨浪之中。慧舟安在。平時無正念。斷不能取辦於臨時而臨時其能從容暇豫。謀諸方寸乎。
自釋迦如來教人執持阿彌陀佛名號。慧遠。永明。龍
舒。雲棲諸公繼起。修淨土法門。備矣。而其最喫緊示
人。則在臨終堅持一念。求生極樂。即得感佛來迎。西
歸蓮界。是以三世諸佛咸讚爲出世間法中第一捷。

徑無如世人知此道者甚少。知平日須念佛功純。臨終始得正念不迷者更少。不得不大聲疾呼。願人人

四大分散時。皆得一心不亂。佛力被加。咸登覺岸。

永覺元賢禪師曰。淨業之功。雖積於平日。而臨終最後

一念最爲緊要。蓋以生淨生穢。入聖入凡。唯此一念爲

之轉移也。每見念佛之人。尋常俱說求生淨土。及臨命

終時。多無正念。或貪生怕死。戀此皮囊。或目顧妻兒。難

忍分別。或繫念家財。放捨不下。或因境界不順。抱恨而

終。或因痛苦逼迫。飲痛而去。既失正念。甘從淪墜。我今

爲病迫

爲財

爲身

爲境苦

爲家

蘇長公以臨

臨終決定

勸修行人。到此祇要諦信經文。堅凝正念。百般放下。念
佛待盡。嗚呼。死門事大。頃刻來生。一念差錯。歷劫受苦。
可不懼哉。

堅持正念。勇猛西馳。
危悚語。

淨土聖賢錄載楊媼。年五十餘。得風疾。僵臥呻吟。有
旅亭師過其居。其子請入視其母。媼顰蹙曰。病甚。師
有好方否。師曰。病從身起。身從假合。汝能捨身。病自
去矣。曰。捨身奈何。師曰。汝但將身心放下。一心西向。
繫念阿彌陀佛。阿彌陀佛能除一切眾生之病。但能
至誠念佛者。阿彌陀佛自來救汝。惟患汝念不切耳。

佛本願如意

既別去。媼遂持佛名。默觀西方。日益懇至。居五月。語其子曰。佛至矣。吾當歸西。其子請僧十八。共唱佛名。媼起坐。西向而逝。

助行門

既知念佛。凡居心行事。若有一毫與佛相違。漫欲往生。猶北轍而適越也。則助行可不講哉。助行以戒殺爲首。獨重戒殺余昔有同生錄之刻。所載戒殺放生名言事實甚詳。今惟補其所未備。及一切應修眾行。以爲助緣。皆不可闕也。輯助行門。

王龍舒曰。全持齋戒。又禮佛念佛。讀誦大乘經典。解第一義。以此回向。願生西方。必上品上生。所謂齋者。不食肉。不飲酒。不婬欲。不食五辛。所謂戒者。殺生。偷盜。邪婬。是爲身三業。妄言。綺語。兩舌。惡口。是爲口四業。貪欲。瞋恨。邪見。是爲意三業。總爲十戒。能持而不犯。是爲十善。若犯而不持。是爲十惡。全持十戒。乃生天上。持前四戒。加以不飲酒。是爲五戒。能持五戒。常不失人身。若修淨土者。不在此限也。若全持十戒。加以功德。固上品上生矣。若止持五戒而修淨土。亦不失中品上生。或上品下

生也。若又不能持五戒。豈可以不戒殺生乎。殺爲五戒之首。是爲大惡。不殺得長壽報。殺則得短命報。若止能持不殺之戒。以修淨業。已不在下品生矣。

戒

殺

爲

修

淨

業

至

要

明袁宏道。字中郎。萬曆中爲稽勳司郎中。謝病歸。卒於僧寺。兄宗道。弟中道。皆好禪宗。中道一夕課畢。入定。有二童子導之西行。見宏道曰。已居淨土矣。大都乘戒俱急。生品最高。次戒急。生品最穩。若有乘無戒。
古來高僧
多爲業力所牽。流入八部鬼神眾去。予所親見者多矣。弟般若氣分頗深。戒定力甚少。夫悟理不能生戒。

多戒律精嚴

定。狂慧也。歸五濁。如不能持戒。有龍樹六齋法現存。
遵而行之。戒殺尤急。未有日啓。纏刀口。貪滋味。而能
生此土者也。

又曰。齋僧。供佛。燒香。獻花。懸旛。建塔。念佛。禮懺。種種三
寶上供奉。以此回向願生西方亦可。或爲世間種種利
益方便善事。如爲子而孝。爲弟而悌。閨門盡善。宗族相
親。鄉黨姻親。恩愛仁厚。以至事君則赤心爲國。爲官則
慈愛斯民。或憐孤恤寡。或濟難振窮。或勸人爲善。或止
人爲惡。一切善事。隨力而行。以此回向願生西方亦可。

或爲世間一切利益。不拘大小多少。如以一錢與人。一杯與人。亦必起念云。以此善緣。回向願生西方。常使一念不斷。念念在彼。必上品生。

大觀間。有人遇故父於市。求教一言。父曰。學葛繁。問葛何人。曰。世間人。訪知葛爲鎮江太守。乃往見之。問其何以見重於幽冥如此。曰。予始日行一利人事。其後行二事。又其後行三事。今四十年未嘗一日廢。問何以利人。葛指坐間腳踏子云。若此物置之不正。則蹙人足。予爲正之。亦利人事也。又若人渴。飲以杯水。

亦利人事也。唯隨事而利之。上自卿相。下至乞丐。皆可以行。者終是無善心耳唯在乎久而不廢耳。其人拜而退。葛兼修淨業以是回向。後有僧神遊淨土。見葛在焉。

元優曇大師曰。卵胎溼化。飛走蟲魚。皆未來諸佛也。貪生怖死。與人無異。何乃陳此肉山。樹茲炮烙。窮口腹之欲。極甘美之需。不知斷其命者。是出佛身血也。造殺害之深尤。絕慈悲之種性。生前福壽。暗裏消磨。死後沈淪。酬還不爽。修淨業人。當知心佛之心。方能履佛之士。以人體物。正是惣道。昔人云。良辰美景。人逢之而色喜。物遇之而心悲。人

於此時。骨肉團團。珍羞羅列。物於此時。母子離散。魂魄駭飛。故節日多殺生。最爲殘忍。試觀割一雞而眾雞皆鳴。屠一豬而群豬不食。念及此。雖嘉肴在御。黯然神傷矣。昔有句云。欲知世上刀兵劫。傷心慘目遭試聽屠門夜半聲。最爲悲切。

又曰。欲趣菩提。慈心爲本。凡修淨業。濟物爲先。觀夫飛禽走獸。水族游鱗。或樹網羅。或拘籠檻。穿腮反翼。繫足倒懸。將臨湯火之間。欲赴刀砧之上。憂悲恐懼。變憎憚惶。望雲漢以魂銷。憶林泉而膽碎。雖知萬死。猶冀一生。

反身思之能不動心

杯盤。饅飯。時知。有冤號否。

顧盼哀鳴。以求救援。所賴觸目垂憐。抽財贖命。開籠釋

檻。斷縛解懸。施水焚香。合掌。凡放生先念往生。呪。

或放林野。皆由佛道展演悲心。上自人倫。下至螻蟻。力

苟能辦。無不放生。因茲勝利。回向西方。普願眾生。同成

佛道。

智朗念佛放生說曰。夫欲全仁德。莫若放生。欲出苦輪。無如念佛。今立一放生之法。置一竹筍。每日事務之暇。念佛數聲。日貯一文。歲滿所積三百六十文矣。斯亦不費多財。不妨多力。何人不可爲之。惟貴久遠。

修持終身不倦。於一載之中。不拘何時。行放生業。計其放處及年月日。某甲放生若干。專願永無疾苦厄難之災。復增鶴齡松茂之算。再持佛名。誓無改變。而不得往生者。三世諸佛。便爲詭語。偈云。放生念佛兩重難。只貴當人心地堅。永祖傳燈。輝不夜。永明禪師以放生得果願提正念攝人天。

明蓮池大師曰。念佛不可以殺生。念佛以慈悲爲本。如不戒殺。功效減少。一切眾生。皆有佛性。歷劫以來。同爲眷屬。殺彼養我。情何以堪。奉勸念佛之人。每下箸時。常側隱之

設此想。自能斷葷。早成淨業。即或不能長齋。能持六齋。
亦得往生。若殺生則斷乎不可。

雲棲六齋月齋圖說。六齋每月六日。初八。十四。十五。廿三。廿九。三十。如遇月小。廿八廿九可也。月齋每年正五九三箇月持齋。不能三月持齋。必須三月戒殺。

淨土文說。念佛人如能斷肉爲上。如不能斷。且食三淨肉而減省。食若兼味。且去其一。如兩餐皆肉。且一餐以素。人生祿料有數。如此自可延壽。如早餐食素。

見殺閑殺疑爲己

殺均不食爲三淨肉

其利甚多。一省業緣。二可清淨。三不妨善業。四至晚食葷時。不至厭此而欲彼。若以食素為難。宜以食葷之費為素食。則易行而可持久。若縱口腹之欲。亦無了期矣。語云。世上欲無刀兵劫。須是眾生不食肉。斯言可不畏哉。

* 量無德功 • 印翻迎歡 *

願以此功德
回向偈
莊嚴佛淨土
上報四重恩
下濟三途苦
悉發菩提心
盡此一報身
同生極樂國

* 惜珍護愛請敬 • 緣結費免 *

徑中徑又徑微義

印贈者：香光淨宗學會

倡印者：釋悟峯

地址：台北縣三重市中興北街一七九號

電話：(02) 8511-0955

傳真：(02) 8511-0953

達拉斯佛教會網址 <http://www.amtb-dba.org>

淨空法師專集有聲版網址 <http://www.amtb.org.tw>

承印者：三禾出版製作有限公司

電話：(02) 2240-19978

公元二〇〇四年二月敬印貳仟冊緣

真誠 清淨 平等 正覺 慈悲

看破 放下 自在 隨緣 念佛



本會一切法寶，免費結緣，絕無託人義賣募款，敬請明察。

Printed in Taiwan (This book is not to be sold.)
FOR FREE DISTRIBUTION